

清

史

稿

清史稿

輿服志四 禮儀附

皇帝鹵簿

太上皇鹵簿
皇太子儀衛

皇后儀駕

太皇太后儀駕
皇太后儀駕

皇貴妃以下儀仗采仗

親王以下儀衛

固倫公主以下儀衛

額駙儀衛

職官儀衛

清自太宗天聰六年定儀仗之制凡國中往來御前旗三對繖二柄校尉六人其制甚簡自天聰十年改元崇德始定御仗數目及品官儀從迨世祖入關定鼎參稽往制量加增飾原定皇帝儀衛有大駕鹵簿行駕儀仗行幸儀仗之別乾隆十三年復就原定器數增改釐訂遂更大駕鹵簿爲法駕鹵簿行駕儀仗爲鑾駕鹵簿行幸儀仗爲騎駕鹵簿三者合則爲大駕鹵簿而凡皇后儀駕妃嬪儀仗采仗以及親王以下儀衛均視原定加詳茲依乾隆朝所定者標目而以原定器數及崇德初年所定者附見於後又太上皇鹵簿皇太子儀衛皆一

時之制非同常設亦并著於篇庶考因革者得以沿流溯源詳稽一代之制焉
皇帝大駕鹵簿園丘祈穀常雩三大祀用之大閱時詣行宮禮成還宮亦用之
其制前列導象四次寶象五次靜鞭四次前部大樂其器大銅角四小銅角四
金口角四次革轆駕馬四木轆駕馬六象轆駕馬八金轆駕象一玉轆駕象一
次鏡歌樂鏡歌此吹與行幸樂並設名鏡歌樂其器金二銅鼓四銅鈸二扁鼓二銅點二龍篋二
平篋二雲鑼二管二笙二金口角八大銅角十六小銅角十六蒙古角二金鉦
四畫角二十四龍鼓二十四龍篋十二拍板四仗鼓四金四龍鼓二十四間以
紅鏡六次引仗六御仗十六吾仗十六立瓜臥瓜各十六星鉞各十六出警入
蹕旗各一五色金龍小旗四十次翠華旗二金鼓旗二門旗八日月旗各一五
雲旗五五雷旗五八風旗八甘雨旗四列宿旗二十八五星旗五五嶽旗五四
瀆旗四神武朱雀青龍白虎旗各一天馬天鹿辟邪犀牛赤熊黃熊白澤角端
游麟彩獅振鷲鳴鳶赤烏華蟲黃鵠白雉雲鶴孔雀儀鳳翔鸞旗各一五色龍
纛四十前鋒纛八護軍纛八驍騎纛二十四次黃麾四儀鎧筆四金節四進善

納言數文振武褒功懷遠行慶施惠明刑弼教教孝表節旌各二龍頭旛四豹
尾旛四絳引旛四信旛四羽葆幢四霓幢四紫幢四長壽幢四次鸞鳳赤方扇
八雉尾扇八孔雀扇八單龍赤團扇八單龍黃團扇八雙龍赤團扇八雙龍黃
團扇八赤滿單龍團扇六黃滿雙龍團扇六壽字黃扇八次赤素方繖四紫素
方繖四五色花繖十五色絳緞繖十間以五色九龍團扇十次九龍黃蓋二十
紫芝蓋二翠華蓋二九龍曲柄黃蓋四次戟四父四豹尾槍三十弓矢三十儀
刀三十次仗馬十次金方几一金交椅一金瓶二金盃盤一金盃一金合二金
鍘二拂二次九龍曲柄黃蓋一前引佩刀大臣十人提鍘二玉輦在中後扈佩
刀大臣二人豹尾班執槍佩儀刀侍衛各十人佩弓矢侍衛二十人領侍衛內
大臣一人侍衛班領二人後管宗人府王公二人散秩大臣一人前鋒護軍統
領一人給事中御史二人各部郎中員外郎四人侍衛班領一人署侍衛班領
一人侍衛什長二人次黃龍大纛二領侍衛內大臣一人司籙侍衛什長二人
建齋親軍四人鳴佩螺親軍六人

太宗崇德元年備大軍由隨玉璽四顆黃纛
五團扇二纛十旗十大刀六戟六立瓜臥瓜

什各二百仗六馬十金椅金梳香合香爐金水盆金唾盂一金盃一瓶樂器全設
 復定儀仗數目用金漆椅一金漆杖一合香爐四節四骨二立瓜臥瓜各
 一香爐香合各二曲角一簫二架四節四骨二龍頰頰瓜各三板二香仗
 六紅仗四編二鼓二畫角四簫二架四節四骨二龍頰頰瓜各三板二香仗
 銅鼓四小銅鑼二大銅鑼四簫二架四節四骨二龍頰頰瓜各三板二香仗
 年以後更定皇帝帶直幡大駕直幡行駕儀仗一仍舊制遠順治三
 曲柄九龍徽四直柄九龍徽十六道柄四黃麾二引花徽四方徽入大刀二
 十弓矢二十約尾槍二十龍頭方天戟四黃麾二引花徽四方徽入大刀二
 龍頭平松理各四儀龍徽八羽葆纓四青龍白虎朱雀神武各一豹尾旗
 龍頭羊旛各四金節四鎗金龍小旗各二十金鼓六馬十驚風扇八
 盆龍十二雙龍脚各一拂仗六星六鹿頭八棕鷹三十神各三金唾盂金
 七十二宿旛各一北斗旗一御仗五門旗八日月風雲雷雨各一五緯旗五
 二十八宿旛各一北斗旗一御仗五門旗八日月風雲雷雨各一五緯旗五
 馬駕騎熊旛各一立瓜臥瓜各四龍頭笛十二板四串凡郊祀大典萬壽元旦冬至三
 號各八金金旌杖各一立瓜臥瓜各四龍頭笛十二板四串凡郊祀大典萬壽元旦冬至三
 典禮皆用之

法駕鹵簿與大駕鹵簿同惟彼用鏡歌樂此則用鏡歌鼓吹其器大銅角八小
 銅角八金鉦四畫角二十四龍鼓二十四龍篳十二拍板四仗鼓四金二龍鼓
 二十四間以紅燈六視鏡歌樂爲減又御仗吾仗立瓜臥瓜星鉞皆各六五色
 金龍小旗二十五色龍篳二十九龍黃蓋十豹尾槍二十弓矢二十儀刀二十

佩弓矢侍衛十人其赤滿單龍團扇黃滿雙龍團扇及五色綈緞繖皆不設亦均較大駕爲減又玉輦改設金輦餘均與大駕鹵簿同凡祭方澤太廟社稷日月先農各壇歷代帝王先師各廟則陳之若遇慶典朝賀則陳於太和殿庭其制九龍曲柄黃華蓋設於太和殿門外正中次拂鑑合盃盤瓶椅几在殿檐東西次儀刀弓矢豹尾槍親軍護軍相間爲十班暨交戟均在丹陛東西次九龍曲柄黃蓋翠華蓋紫芝蓋九龍黃蓋五色九龍繖五色花繖自丹陛三成相間達於兩階階下靜鞭仗馬列甬道東西紫赤方繖扇幢旛旌節整麾羣旗銀星瓜仗列丹墀東西玉輦金輦在太和門外五輅在午門外寶象在五輅之南鹵簿樂即錢歌鼓吹在寶象之南朝象即象在天安門外若於圓明闕行慶賀禮則陳於正大光明殿階下至大宮門外惟輦輅儀象不設若御樓受俘則設九龍曲柄黃華蓋於樓檐下設丹陛鹵簿於午門外左右兩觀下設丹墀鹵簿於闕左右門至端門北設仗馬於兩角樓前設輦輅儀象於天安門外設靜鞭於兩角樓夾御道左右設金鼓錢歌大樂錢歌鼓吹與前部大樂並列曰金鼓錢歌大樂於午門前設丹陛大

樂於鹵簿之末其器雲鑼二方響二簫二篴四頭管四笙四大鼓二仗鼓一拍板一

鑾駕鹵簿行幸於皇城則陳之其制前列導迎樂先以戲竹二次管六篴四笙二雲鑼二導迎鼓一拍板一次御仗四吾仗四立瓜臥瓜星銀各四次五色金龍小旗十五色龍纛十次雙龍黃團扇十黃九龍轍十次九龍曲柄黃華蓋一皆在皇帝步輦前次前引佩刀大臣十人後扈佩刀大臣二人步輦在中次豹尾班侍衛執槍十人佩儀刀十人佩弓矢十人殿以黃龍大纛

原定行駕儀仗
鎗金九龍纛十

鎗金龍纛十鎗金龍小旗十雙龍扇十金鉞四星四御仗
四拜仗四立瓜臥瓜各四凡車駕出入執事人馬上排列

騎駕鹵簿巡方若大閱則陳之其制前列錢歌大樂間以錢歌清樂器用大銅角八小銅角八金口角八雲鑼二龍篴二平篴二管二笙二銅鼓四金二銅點二銅鈸二行鼓二蒙古角二次御仗六吾仗六立瓜臥瓜星銀各六次五色金龍小旗十五色龍纛十次單龍赤團扇六雙龍黃團扇六五色花繖十次豹尾槍十弓矢十儀刀十次九龍曲柄黃華蓋一皆在皇帝輕步輦前若乘馬則在

馬前次前引佩刀大臣十人後扈佩刀大臣二人輕步輿在中次豹尾班侍衛
執槍十人佩儀刀十人佩弓矢十人殿以黃龍大纛駐蹕御營朝陳蒙古角夕
陳饒歌樂大閱則陳鹵簿於行宮門外原定行幸儀仗班級數十鎗全龍十
鎗十大小刀十弓矢十金鉞六星六御仗西仗立瓜臥瓜各六金二笙二管
二管二笙四金鉞四銅鼓四鼓二鎗八銅點二小號大號各八蒙古號六凡
車駕行幸執事
人步行排列

太上皇鹵簿原定無之嘉慶元年因授聖禮成陳太上皇鹵簿於寧壽宮其制
引仗六御仗十六吾仗十六立瓜臥瓜各十六星鉞各十六旗纛二百二十四
麾警節各四旌十六旛十二幢二十扇八十六繖六十六戟父各四豹尾槍弓
矢儀刀各三十金交椅金馬杌各一拂二金器八銀水火壺各一兩繖二盤線
鏡二紅鏡六樂器備設笙管雲鑼平遠鈸點鼓各二金及金鉦銅鼓扁鼓仗鼓
各四架鼓金口角各十二龍箏十四大銅角小銅角蒙古畫角各二十四龍鼓
四十八

皇太子儀衛清自康熙五十二年後不復建儲故國初雖有皇太子儀仗幾同

虛設乾隆六十年以明年將行內禪九月議定皇太子出入內朝用導從侍衛四人乾清門侍衛二人如出外朝及城市內外隨從散秩大臣一人侍衛十人領侍衛內大臣一人乾清門侍衛四人前設虎槍六後設豹尾槍八是年復諭禮臣以冊立皇太子典禮既不舉行其一切儀仗製造需時亦毋庸另行備辦

原定皇太子儀仗曲柄九龍轎三直柄龍轎四直柄瑞草轎二方轎四雙龍轎四孔雀扇四白澤旗二金節二羽葆纓二傳教旗告止旗儀旗引旗各二儀仗二鎗金龍蓋十鎗金龍小旗十約尾槍十弓矢十大刀十馬八金鉞四立瓜臥瓜骨朵香仗各四拂二畫角十二花區杖二十四人銅號八小銅號二金各二金唾盃各二龍頭遼二板二金香爐金瓶金香合

皇后儀駕原名吾仗四立瓜四臥瓜四五色龍鳳旗十次赤黃龍鳳扇各四雉

尾扇八次赤素方繖四黃緞繡四季花繖四五色九鳳繖十次金節二次拂二

金香爐二金香合二金盥盤一金盂一金瓶二金椅一金方几一次九鳳曲柄

黃蓋一鳳輿一乘儀輿二乘鳳車一乘儀車二乘原定大皇太后儀仗四立瓜

四臥瓜四黃曲柄九鳳轎一黃直柄花轎四紅直柄瑞草轎二青黑直柄九鳳轎各二紅方轎二黃紅鎗金龍鳳扇各二金黃素扇二紅鸞鳳扇二拂二金香

爐二金瓶二金香合二金唾盃一金盃一金旂一金交椅一金銅踏一凡萬壽節元旦冬至及諸慶典變儀衛先時陳設皇太后皇太后儀仗同

太皇太后儀駕賢皇太后儀駕均與皇后儀駕同惟車輿兼繪龍鳳文

皇貴妃儀仗吾仗四立瓜四臥瓜四赤黑素旗各二金黃色鳳旗二赤黑鳳旗

各二金黃赤黑三色素扇各二赤黑鸞鳳扇各二赤黑瑞草繖各二明黃赤黑

三色花繖各二金節二拂二金香鑪香合盥盤盂各一金瓶二金椅一金方几

一七鳳明黃曲柄蓋一翟輿一乘儀輿一乘翟車一乘

原定皇貴妃儀仗紅黑

二立瓜二臥瓜二紅曲柄七鳳轎一紅道柄花轎二紅道柄瑞草轎二紅方轎
二金黃素扇二紅繖扇二拂二金香鑪一金瓶二金贊合一金唾壺一金盆一
馬枕一交椅一腳
駝一貴妃儀仗同

貴妃仗儀吾仗二立瓜二臥瓜二赤黑素旗各二赤黑鳳旗各二金黃赤黑三

色素扇各二赤黑鸞鳳扇各二赤黑瑞草繖各二金黃赤黑三色花繖各二金

節二拂二金香鑪香合盥盤盂各一金瓶二金椅一金方几一七鳳金黃曲柄

蓋一翟輿一乘儀輿一乘儀車一乘

妃采仗原名儀仗吾仗二立瓜二臥瓜二赤黑鳳旗各二赤黑素扇各二赤黑花繖

各二金黃素繖二金節二拂二銀質飾金香鑪香合盥盤盂各一銀瓶二銀椅

一銀方几一七鳳金黃曲柄蓋一翟輿一乘儀輿一乘儀車一乘

原定妃儀仗黑鳳旗二金

節二香仗二立瓜二臥瓜二紅直柄花徽二紅直柄瑞草徽二金黃素扇二拂二銀質飾金香爐香合各一瓶一唾壺一盆一馬杖一交椅一腳踏一

嬪采仗

原名儀仗

視妃采仗少直柄瑞草徽二餘同

親王儀衛

原名儀仗以下並同

吾仗四立瓜四臥瓜四骨朵四紅羅繡五龍曲柄蓋一紅

羅繡四季花徽二紅羅銷金瑞草徽二紅羅繡四季花扇二青羅繡孔雀扇二

旗槍十大纛二條纛二豹尾槍四儀刀四馬六遇大典禮則陳於府第出使用

以導從常日在京用曲柄蓋一紅羅繡扇各二吾仗立瓜臥瓜骨朵全馬四前

引十人後從六人因事入景運門帶從官三人

原定有紅羅繡花曲柄徽一豹尾槍二大刀二夜改爲五龍曲

新設一豹尾槍四儀刀四餘同

崇德初年定親王銷金紅徽二纛二旗十立瓜骨朵各二香仗四

世子儀衛吾仗四立瓜四臥瓜二骨朵二紅羅四龍曲柄蓋一紅羅繡四季花

徽一紅羅銷金瑞草徽二紅羅繡四季花扇二青羅繡孔雀扇二旗槍八大纛

一條纛一豹尾槍二儀刀二馬六常日用紅羅繡扇各二吾仗立瓜臥瓜骨朵

全馬四前引八人後從六人

原定香仗二立瓜二有紅羅繡花曲柄徽一豹尾槍五增爲香仗四立瓜四改曲柄徽爲四龍曲

柄蓋添約尾槍二餘同
崇德年所定無世子儀仗

郡王儀衛吾仗四立瓜四臥瓜二骨朵二紅羅縐四龍曲柄蓋一紅羅銷金瑞

草繖二紅羅縐四季花扇二青羅縐孔雀扇二旗槍八條氎二豹尾槍二儀刀

二馬六常日用紅羅繖扇各二吾仗立瓜臥瓜骨朵全馬二前引八人後從六

人原定有紅羅繖花曲柄扇一無約尾槍鐵刀茲改曲柄繖爲四龍曲柄蓋增約尾槍二儀刀二餘同崇德初年定郡王銷金紅繖一氎一旗八臥瓜二

四吾仗

郡王長子儀衛原定及崇德年所定均無吾仗二立瓜二臥瓜二骨朵二紅羅銷金瑞草繖

一紅羅縐四季花扇二旗槍六條氎一馬四常日用繖一吾仗立瓜臥瓜骨朵

全前引六人後從六人

貝勒儀衛與郡王長子同原定紅羅銷金繖二茲減一餘同崇德初年定貝勒銷金紅繖一氎一旗六骨朵二紅仗二自

世子以下至貝勒因事入景運門帶從官二人

貝子儀衛吾仗二立瓜二骨朵二紅羅銷金瑞草繖一紅羅縐四季花扇二旗

槍六條氎一常日用吾仗立瓜骨朵全前引四人後從六人原定紅羅銷金繖二茲減一餘同

崇德初年定貝子彩蓋黃紅
徽一約尾槍二旗六紅仗二

鎮國公輔國公儀衛吾仗二骨朵二紅羅鎗金瑞草徽一青羅繡孔雀扇一旗

槍六常日用吾仗骨朵全前引二人後從八人

原定同
紅徽一約尾槍二旗六紅仗二

輔國公減約
尾槍一餘同

自貝子以下輔國公以上因事入景運門帶從官一人

鎮國將軍儀衛杏黃徽一青扇一旗槍六常日前引二人後從六人

原定有金
黃徽一無

青扇茲改為杏黃徽一增青扇一餘同
鎮國將軍以下原定均照崇德初年定制

輔國將軍儀衛與鎮國將軍同常日前引一人後從四人

原定常日前引二
人茲減一餘同

奉國將軍奉恩將軍儀衛

原定無奉
恩將軍

青扇一旗槍四常日後從四人

原定無
青扇

固倫公主儀衛吾仗二立瓜二臥瓜二骨朵二金黃羅曲柄繡寶相花徽一紅

羅繡寶相花徽二青羅繡寶相花扇二紅羅繡孔雀扇二黑氍二前引十人朝

賀日隨侍女五人

原定曲柄徽用紅羅茲改金黃羅餘同
公主清道旗二紅仗吾仗各二鎗金紅徽一青扇一拂子二

金吐盃一
水盆各一

和碩公主儀衛吾仗二立瓜二臥瓜二骨朵二紅羅曲柄繡寶相花徽一紅羅

繡寶相花繖二紅羅繡孔雀扇二黑蠶二前引八人隨朝侍女四人

原定同年
崇德初年

定和碩公主紅仗各二鎗金
紅繖一青扇一拂子二盆水盆一

郡主儀衛吾仗二立瓜二骨朵二紅羅繡寶相花繖二紅羅繡孔雀扇二前引

六人隨朝侍女三人

原定同年
崇德初年定郡主吾仗
二鎗金紅繖一青扇一拂子二

縣主儀衛吾仗二立瓜二紅羅繡寶相花繖一青羅繡寶相花扇二前引二人

隨朝侍女三人

原定同年
崇德初年定縣主
紅仗二鎗金紅繖一拂子二

郡君隨朝侍女二人縣君隨朝侍女二人鄉君隨朝侍女一人俱無儀仗

原定
郡君

以下無儀仗
崇德初年定郡君
紅仗二鎗金青繖一縣君紅仗二

親王福晉視固倫公主惟曲柄繖用紅色隨朝侍女四人世子福晉視和碩公

主郡王福晉視郡主郡王長子福晉貝勒夫人均視縣主隨朝侍女二人貝子

夫人公夫人隨朝侍女一人自貝子夫人以下無儀仗自將軍夫人以下無隨

朝侍女

原定同惟福晉皆稱妃又別定側妃側夫人儀仗其制親王側妃視嫡
妃少青羅花扇二餘同世子側妃繖二吾仗立瓜骨朵各二紅羅繡花

二紅羅繡孔雀扇各二郡王側妃吾仗立瓜各二紅羅繡花繖一青羅繡花扇
二貝勒側夫人及貝子夫人均無儀仗
崇德初年定親王妃濟道旗二紅仗

西仗各二鎗金紅繳一青扇一拂子二金唾盂金水盃各一郡王妃同惟少
紅仗金唾盂貝勒夫人紅仗二鎗金紅繳一拂子二貝子夫人以下無繳仗

額駙儀衛固倫公主額駙紅仗二紅繳一大小青扇二旗槍十豹尾槍二常日
前引二人後從八人和碩公主額駙紅棍四杏黃繳二大小青扇二旗槍十常
日前引二人後從八人郡主額駙紅棍四杏黃繳一大小青扇二旗槍十常日
前引二人後從八人縣主額駙杏黃繳一青扇一旗槍六常日前引二人後從
六人郡君額駙青扇一旗槍六常日前引二人後從六人縣君額駙青扇一旗
槍四常日無前引惟後從二人鄉君額駙青扇一旗槍二常日惟後從一人
職官儀衛原名儀從民公視和碩公主額駙侯金黃棍四餘視郡主額駙其有加級
者棍得用紅伯大小青扇二餘視侯子金黃棍二杏黃繳一大小青扇二旗槍
八前引後從視侯男金黃棍二杏黃繳一大小青扇二旗槍六常日前引二人
後從六人

京官一品視子二品視男三品金黃棍二杏黃繳一大小青扇二旗槍六常日
前引二人後從四人四品杏黃繳一大小青扇二旗槍四常日無前引惟後從

二人餘官均用青素扇一常日惟後從一人宗室覺羅之有職者各從其品惟扇柄及棍皆梨以朱以上儀衛於京外得全設常日在京不得用旗繖黃棍文官三品以上得用甘蔗棍二武官三品以上得用棕竹棍二自一品至九品均得用扇扇各用清漢字書銜若進皇城扇棍及前引人均不得入文武大臣因事入景運門帶從官一人

直省文官總督青旗八飛虎旗杏黃繖青扇兵拳雁翎刀獸劔金黃棍桐棍皮梨各二旗槍四迴避肅靜牌各二巡撫青旗八杏黃繖青扇獸劔金黃棍桐棍皮梨各二旗槍二迴避肅靜牌各二凡二品以上大臣陞見到京入景運門帶從官一人布政使按察使青旗六杏黃繖青扇金黃棍皮梨各二迴避肅靜牌各二各二各道青旗四杏黃繖青扇各一桐棍皮梨各二迴避肅靜牌各二知府與道同府倅知州知縣青旗四藍繖一青扇一桐棍皮梨各二肅靜牌二縣佐藍繖一桐棍二學官藍繖一雜職竹板二河道漕運總督視總督學政鹽政織造暨各欽差官三品以上視巡撫四品以下視兩司

武官提督青旗八飛虎旗杏黃繖青扇兵拳雁翎刀獸劍刑仗各二旗槍四迴
避肅靜牌各二總兵官青旗八飛虎旗杏黃繖青扇獸劍旗槍大刀各二迴避
肅靜牌各二副將青旗六杏黃繖一青扇二金黃棍二迴避肅靜牌各二參將
遊擊都司青旗四杏黃繖一青扇一桐棍二迴避肅靜牌各二守備青旗四杏
黃繖一青扇一桐棍二各省駐防將軍視內都統副都統以下均與京職同治

三年定京官儀從公掌扇貼方金一職官掌扇一品貼圓金四二品貼圓金三
三品貼圓金二四品用圓金掌扇五品至七品俱用素黑掌扇八品九品俱用
白掌扇六年定公以下四品官和碩公以上用大細扇杏黃繖各一十大小扇二貼方金
官用棕竹棍二八年定民公和碩公以上用大細扇杏黃繖各一十大小扇二貼方金
四侯郡主額駙杏黃繖一旗大小扇二貼方金三伯杏黃繖一旗十大小扇
二貼圓金一額駙杏黃繖一旗大小扇二貼方金四二品官杏黃繖一旗十大小扇
四大小扇二貼圓金三品官杏黃繖一旗大小扇二貼方金四二品官杏黃繖一旗
四大小扇二貼圓金五品以下官如三年例京城內不得排列旗繖惟於外用之
宗室覺羅各官扇柄及棍皆四人昇之掌扇各書官銜兼滿漢字康熙初年定官
三品以上皇城外坐轎四人員之掌扇各書官銜兼滿漢字康熙初年定官
和碩公王額駙旗十杏黃繖二金黃棍四侯伯郡主額駙旗十杏黃繖一
棍四都統鎮國將軍內大臣縣主額駙子滿漢大學士尙書左都御史旗一杏
黃繖一少軍總尉及三品官旗六杏黃繖一軍統領前鋒四品官旗都統男滿漢侍
耶學士步軍總尉及三品官旗六杏黃繖一軍統領前鋒四品官旗都統男滿漢侍
品官以上一惟人引轎馬前導其後各官禁之七年定在京各官三品以上武官數秩
大臣以上一惟人引轎馬前導其後各官禁之七年定在京各官三品以上武官數秩

軍外	君領	統子	尾槍	定四	杏兵	入州	週梁	栗二	黃下
校尉	領前	槍子	子槍	四隔	杏黃	同州	避楹	楹二	俱照
主事	銜銜	向銜	向銜	隔倫	黃徽	兵判	肅靜	楹二	順治
以下	銜士	銜縣	銜縣	倫額	徽金	卒縣	迴肅	楹二	八年
官員	滿啓	上類	上類	額額	金黃	丞藍	肅靜	楹二	例出
止用	心郡	類十	類十	迴迴	黃楹	雁翎	肅靜	楹二	京用
後從	郡君	金人	金人	迴迴	楹二	刀一	肅靜	楹二	兵用
一人	郡中	黃徽	黃徽	迴迴	楹二	飛虎	肅靜	楹二	羅閱
	放四	一郡	一郡	迴迴	楹二	二典	肅靜	楹二	馬前
	後從	放六	放六	迴迴	楹二	放二	肅靜	楹二	導
	四人	後從	後從	迴迴	楹二	放二	肅靜	楹二	飛虎
	二人	四人	四人	迴迴	楹二	放二	肅靜	楹二	七年
	侍衛	內大	內大	迴迴	楹二	放二	肅靜	楹二	定外
	衛護	約尾	約尾	迴迴	楹二	放二	肅靜	楹二	官儀
	衛護	大臣	大臣	迴迴	楹二	放二	肅靜	楹二	從總
	衛護	大學	大學	迴迴	楹二	放二	肅靜	楹二	督督
	佐領	士副	士副	迴迴	楹二	放二	肅靜	楹二	杏
	領漢	都統	都統	迴迴	楹二	放二	肅靜	楹二	
	啓心	統護	統護	迴迴	楹二	放二	肅靜	楹二	
	員	軍都	軍都	迴迴	楹二	放二	肅靜	楹二	

清史稿

志

選舉

古者取士之法莫備於成周而得人之盛亦以成周爲最自唐以後廢選舉之制改用科目歷代相沿而明則專取四子書及易書詩春秋禮記五經命題試士謂之制義有清一沿明制二百餘年雖有以他途進者終不得與科第出身者相比康乾兩朝特開制科博學鴻詞號稱得人然所試者亦僅詩賦策論而已洎乎末造世變日亟論者謂科目人才不足應時事需要毅然罷科舉專辦學校採東西各國教育之法變唐宋以來選舉之成規前後學制判然兩事焉今綜其章制沿革新舊異同之故著於篇

選舉一

學校上

有清學校向沿明制京師曰國學及八旗宗室等官學直省曰府州縣學世祖定鼎燕京修葺明北監爲太學順治元年置祭酒司業及監丞博士助教學正

學錄典籍典簿等官設六堂爲講肄之所曰率性修道誠心正義崇志廣業一仍明舊少詹事李若琳首爲祭酒請仿明初制廣收生徒官生除恩廕外七品以上官子弟勤敏好學者民生除貢生外廩增附生員文義優長者並許提學考選送監又言學以國子名所謂國之貴遊子弟學焉前朝公侯伯駙馬初襲授者皆入國學讀書滿洲勳臣子弟有志向學者並請送監肄業詔允增設滿洲司業助教等官是爲八旗子弟入監之始厥後定爲限制條例屢更益臻詳備肄業生徒有貢有監貢生凡六曰歲貢恩貢拔貢優貢副貢例貢監生凡四曰恩監廕監優監例監廕監有二曰恩廕難廕通謂之國子監生六堂肄業分內外班初內班百五十名堂各二十五名外班百二十名堂各二十名戶部歲發帑銀給膏火獎勵有差餘備調恤乾隆初改內班堂各三十名內外共三百名旣而裁外班百二十名加內班膏火撥內班二十四名爲外班嘉慶初以八旗及大宛兩縣肄業生距家近不住舍不許補內班補班之始赴監應試曰考到列一二等者再試曰考驗貢生一二等監生一等乃許肄業假滿回監曰復

班內班生願依親處館滿蒙漢軍恩監生習繙譯或騎射不能竟月在學者改外班曠大課一次無故離學至三次以上例罰改外置集愆冊治諸不帥教者出入必記於簿監丞掌之省親完姻丁慶告病及同居伯叔兄長喪而無子者予假歸里限期回監遲誤懲罰私歸黜革冒替除名課士之法月朔望釋奠畢博士廳集諸生講解經義上旬助教講書既望學正學錄講書各一次會講覆講上書覆背月三回周而復始所習四書五經性理通鑑諸書其兼通十三經二十一史博極羣書者隨資學所詣日摹晉唐名帖數百字立日課冊旬日呈助教等批晰朔望呈堂查驗祭酒司業月望輪課四書文一詩一曰大課祭酒季考司業月課皆用四書五經文並詔誥表策論判月朔博士廳課經文經解及策論月三日助教課十八日學正學錄課各試四書文一詩一經文或策一積分歷事之法國初行之監生坐監期滿撥歷部院練習政體三月考勤一年期滿送廷試其免坐監或免歷一月二月者恩詔有之非常例也順治三年祭酒薛所蘊奏定漢監生積分法常課外月試經義策論各一合式者拔置一等

歲考一等十二次爲及格免撥歷送廷試超選十五年祭酒固爾嘉渾議令監
生考到日拔其尤者許積分不與者期滿咨部歷事積分法一年爲限常課外
月試一等與一分二等半分二等以下無分有五經兼通全史精熟或善摹鍾
王諸帖雖文不及格亦與一分積滿八分爲及格歲不逾十餘人恩拔歲副咨
部歷滿考職照教習貢生例上上卷用通判上卷用知縣例監歷滿考職與不
積分貢生一體廷試每百名取正印八名餘用州縣佐貳積分不滿數願分部
者咨部不得優選願再肄業滿分者聽從之是年科臣王命岳以貢途壅渾請
暫停恩拔歲貢於是坐監人少難較分數十七年固爾嘉渾奏停積分法後遂
不復行康熙初並停撥歷期滿咨部考試用州同州判縣丞主簿吏目自是部
院諸司無監生惟考選通文理能楷書者送修書各館較年勞議叙照應得職
銜選用優者或加等焉監生坐監期恩貢六月歲貢八月副貢廩膳六月增附
八月拔貢廩膳十四月增附十六月恩廩二十四月難蔭六月例貢廩膳十四
月增附十六月俊秀二十四月例監計捐監月分三十六月雍正五年定除監

期計算各監生肄業率以連閏扣滿三年爲期告假丁憂考劣記過則扣除月
日告假依限到監或逾限而本籍有司官具牘者仍前後通算舊制祭酒司業
總理監務雍正三年始設管理監事大臣乾隆二年孫嘉淦以刑部尙書管監
事初嘉淦在世宗朝官司業奏言學校之教宜先經術請敕天下學臣選拔諸
生貢太學九卿舉經明行修之士爲助教一以經術造士三年考成舉以待用
議未及行遷祭酒申前請世宗繼之先是太學生名爲坐監肄業率假館散處
遇釋奠堂期季考月課暫一齊集監內舊有號房五百餘間修圯不時且資斧
不給無以宿諸生嘉淦言各省拔貢雲集京師需住監者三百餘人六堂祇可
誦讀不能棲止乞給監南官房令助教等官及肄業生居住歲給銀六千兩爲
講課桌飯衣服賑助之費允之是爲南學至是請仿宋儒胡瑗經義治事分齋
遺法明經者或治一經或兼他經務取御纂折中傳說諸書探其原本講明人
倫日用之理治事者如歷代典禮賦役律令邊防水利天官河渠算法之類或
專治一事或兼治數事務窮究其源流利弊考試時必以經術湛深通達事理

驗稽古愛民之誠三年期滿分別等第以示勸懲從之令諸生有心得或疑義
逐條剖記呈助教批判按期呈堂季考月課改四書題一五經講義題各一治
事策問一時高宗加意太學嘉淦嚴立課程獎誘備至六堂講師極一時之選
舉人吳鼎梁錫璵皆以薦舉經學授司業進士莊亨陽舉人潘永李蔡德峻秦
憲田吳鼎貢生官獻瑞王文震監生夏宗瀾皆以潛心經學先後被薦爲本監
屬官分長六堂各占一經時有四賢五君子之稱師徒濟濟皆奮自鏃礪研求
實學而祭酒趙國麟又以經義治事外應講習時藝請頒六堂欽定四書文資
誦習並報可清代臨雍視學典禮恭重順治九年世祖首視學先期行取衍聖
公五經博士率孔氏暨先賢各氏族裔赴京觀禮帝釋奠畢詣彝倫堂御講帷
祭酒講四書司業講經宣制勉太學諸生越日賜衍聖公冠服國子監官賞資
有差各氏後裔送監讀書嗣是歷代舉行以爲常乾隆四十八年諭曰稽古國
學之制天子曰辟雍所以行禮樂宣德化昭文明而流教澤典至鉅也國學爲
人文薈萃之地規制宜隆辟雍之立元明以來典尙闕如應增建以臻美備命

尚書德保尚書兼管國子監事劉墉侍郎德成仿禮經舊制於彝倫堂南營建
明年落成又明年高宗駕辟臨雍行講學禮命大學士伯伍彌泰大學士管監
事蔡新進講四書祭酒覺羅吉善鄒奕孝進講周易頒御論二篇宣示義蘊王
公衍聖公大學士以下官暨肄業觀禮諸生三千八十八人圍橋聽講禮成賜
燕禮部恩賚有加是時天子右文羣臣躬遇休明翊贊文化彬彬稱盛矣嘉
慶以後視學典禮率循不廢咸豐初猶一舉行焉道光末詔整飭南學住學者
百餘人監規頽廢已久迄難振作成豐軍興歲費折發章程亦屢屢更治初元
以國學專課文藝無裨實學令兼課論策用經史性理諸書命題獎勵留心時
務者明年增發歲費三千兩九年迺復舊額選文行優者四十人住南學厚給
廩餼文風稍稍興起光緒二年增二十名十一年許各省舉人入監曰舉監其
後無論舉人貢監生凡非正印官未投供舉貢未傳到教習均得入監以廣裁
成貢監生諸色目多沿明制歲貢取府州縣學食廩年深者挨次升貢順治二
年命直省歲貢士京師府學歲一人州學三歲二人縣學二歲一人一正二陪

學政嚴加僕選濫充發回原學五名以上學政劄俸十五年令到部時詳查年力強壯者乃許送監康熙元年減貢額府三歲二人州二歲一人縣三歲一人八年復照順治二年例二十六年罷歲貢廷試其後但由學政挨序考准咨部選授本省訓導得缺後巡撫一加考驗願入監者益鮮矣恩貢因明制國家有慶典或登極詔書以當貢者充之順治元年詔直省府州縣學以本年正貢作恩貢次貢作歲貢歷代恩詔皆如之九年五氏子孫觀禮生員十五人送監讀書准作恩貢乾隆後恩賜雍觀禮聖賢後裔廩增附生入監以爲常至康乾間天子東巡親詣闕里拔取五氏十三氏子孫生員貢成均則加恩聖裔非恒制也拔貢因明選貢遺制順治元年舉行順天六人直省府學二人州縣學各一人康熙十年令學臣於考取一二等生員內遴選文行兼優者貢太學從祭酒查祿請也明年始選拔八旗生員滿洲蒙古二人漢軍一人時各省選貢多冒濫三十七八年間祭酒特默德孫岳頌面試山西選拔張漢紳等六名陝西呂爾恒等四名廣東陳其璋等三名均文理不堪字畫舛謬原卷駁回學臣參

處遂停選拔雍正元年禮部尙書陳元龍疏請嚴成均肄業之規部議太學監生皆由捐納能文之士稀少應令學臣照舊例選拔送監從之五年世宗以歲貢較食糜淺深多年力衰憊之人欲得英才必須選拔命嗣後六年選拔一次明年又諭學政選拔不拘一二等生員酌試時務策論果有識見才幹再防平日品行卽未列優等亦許選拔故雍乾間充貢國學以選拔爲最盛乾隆初定朝考制列一二等者揀選引見錄用三等卽監肄業尋停揀選例三年期滿祭酒等分別等第覈實保薦用知縣教職七年帝以拔貢六年一舉人多缺少妨舉人銓選之路且生員優者應科舉時自可脫穎而出不專藉選拔爲進身改十二年一舉遂爲永制十六年以天下教官多昏耄濫竽戀棧雖定例六年甄別長官每以開曹多方寬假諭詳加澄汰廷臣議督撫三年澄汰教職員缺以朝考揀選拔貢充補未入揀選者卽監肄業如舊四十一年定朝考優等兼用七品小京官五十五年朝考始用覆試學政選拔分二場試四書文經文策論乾隆十七年經文改經解二十三年增五言八韻詩會同督撫覆試朝考試書

藝一詩一副榜入監順治二年令順天鄉試中式副榜增附准作貢監廩生及恩拔歲貢免坐監與廷試十五年他貢停惟副榜照舊解送康熙元年停副貢額十一年以查祿奏復舊制優貢之選與拔貢並重順治二年令直省不拘廩增附生選文行兼優者大學二人小學一人送監康熙二十四年以監生止輪納一途貧窶之士無由觀光令照順治二年例選送雍正間始析貢監名色廩增准作優貢附生准作優監乾隆四年限大省無過五六名中省三四名小省一二名任缺無濫學政三年會同督撫保題分試兩場略同選拔試四書文經解經文策論後增詩二十三年定優生到部如拔貢朝考例試書藝一詩一文理明通者升太學荒疏者發回學政議處二十九年學臣有以拔貢年分暫停舉優爲請者部議拔貢十二年一舉而學臣三年任滿宜舉優黜劣通省不過數名應仍舊例嘉慶十九年御史黃中傑條奏請與拔貢一體廷試錄用禮部議駁請免來京朝考示體恤帝以優生經朝考准作貢生斯合貢於王廷之義停朝考名實不符弗許然卒以無錄用之條多不赴京報考同治二年議定甲

子科始廷試優生仿順天鄉試例分南北中卷八旗奉天直隸山東山西河南陝甘爲北卷江蘇江西浙江安徽福建湖北湖南爲南卷四川廣東廣西雲南貴州爲中卷考列一二等用知縣教職三等用復設訓導恩拔副歲優時稱五貢科目之外由此者謂之正途所以別於雜流也恩監由八旗漢文官學生算學滿漢肄業生考取又臨雍觀禮聖賢後裔由武生奉祀生俊秀入監者皆爲恩監例貢與例監相仿由廩增附生或俊秀監生援例報捐貢生者曰例貢由俊秀報捐監生者曰例監凡捐納入官必由之或在監肄業或在籍均爲監生恩廕凡滿漢子弟奉敕送監讀書恩詔分別內外文武品級廕子入監順治二年定文官京四品外三品以上武官二品以上俱送一子入監十一年覺羅廕生照各官廕生例一體送監包衣佐領下官子弟向例不得爲廕監康熙九年例除宗室給廕入監自康熙五十二年始也難廕始順治四年以殉難陝西固原道副使呂鳴夏子入監讀書九年定內外滿漢三品以上官三年任滿勤事以死者廕一子入監後廣其例凡三司首領州縣佐貳官死難者亦得廕子矣

外國肄業生康熙二十七年琉球國王始遣陪臣子弟梁成楫等隨貢使至入
監肄業雍正六年鄂羅斯遣官生魯喀等留學中國以滿漢助教等教之月給
銀米器物學成遣歸先後絡繹至同治間琉球官生猶有至者他如順治二年
於隨遷入關奉天十五學取三十人入監爲天下勸十一年定隨征廩生准作
貢監生員有軍功二等准作生監更有軍功二等准作貢生謂之功貢未幾例
停則開國時權宜之制也考送校錄始於乾隆三年令國子監選正途貢生年
力少壯字畫端楷者十人送武英殿備膳錄年滿議敘三十四年例停歸吏部
膳錄貢生內選取嗣以吏部無合例者仍由在監拔副優貢生考選嘉慶間增
十名後不復行五貢就職學政會同巡撫驗看咨部依科分名次年分先後恩
拔副貢以復設教諭歲貢以訓導選用康熙中捐納歲貢並用訓導雍正初捐
納貢生教諭改縣丞訓導改主簿既仍許廩生捐歲貢者用訓導恩拔副貢年
力富強者得就職直隸州州判嘉慶以後凡朝考未錄之拔貢及恩副歲優貢
生遇鄉試年得具呈就職就教優貢就教附歲貢末用訓導道光初許滿蒙正

途貢生就職與漢員通較年分先後選用貢監考職定例必監期已滿乃許送考惟特恩考職不論監期滿否凡正途捐納各項貢監生及候補膺錄教習校錄一體送考其已就教就職及捐職襲世職者不許初制考職歲一舉貢監一例以州同州判縣丞主簿吏目錄用乾隆元年定考職以鄉試年恩科不考恩拔副貢考列一等以州同二等以州判三等以縣丞選用歲貢一等以主簿二等等以吏目選用願就教者聽捐納貢監考取如歲貢例五十六年停考職嘉慶五年僅一行之光緒三十一年直隸總督袁世凱等奏停科舉摺寬籌舉貢生員出路一條請十年三科內優貢加額錄取己酉選拔如舊朝考用京官知縣督撫學政三科內考選學貢通算學地理財政兵事交涉鐵路礦務警察外國政法之一者三年一次保送若干名略視會試中額兩三倍赴京試取者用主事申書知縣詔議行明年政務處詳議己酉拔貢照向額倍取本年丙午考優以後三年一考視例額加四倍廩生出貢許倍額部院考用膺錄分舉人五貢生員三等二年期滿獎叙舉人優拔擇尤改用七品小京官又爲廣就職之例

五貢一體以直隸州州判按察鹽運經歷散州州判經歷縣丞分別註選或分發試用蓋五貢終清之世未嘗廢棄也算學隸國子監稱國子監算學乾隆四年額設學生滿漢各十二蒙古漢軍各六續設漢肄業生二十四遵御製數理精蘊分線面體三部部限一年通曉七政限二年有季考歲考五年期滿考取者滿蒙漢軍學生咨部以本旗天文生序補漢學生舉人用博士貢監生童用天文生此外隸國學者爲八旗官學順治元年若琳奏臣監僻在城東北隅滿員子弟就學不便議於滿州八固山地方各立書院以國學二廳六堂教官分教之以時赴監考課下部議行於是八旗各建學舍每佐領下取官學生一名以十名習漢書餘習滿書二年從所蘊言合兩旗爲一學每學教習十人教習酌取京省生員其後學額屢有增減教習於國學肄業生考選止用恩拔副歲貢生如無其人准例監生亦得考取舉人願就一例考選雍正元年於八旗蒙古護軍領催驍騎內選熟練國語蒙古語者十六人充蒙古教習向例官學生分佐領選送五年定每旗額設百名滿洲六十習清漢書各半蒙古漢軍各二

十通一旗選擇不拘佐領年幼者習清書稍長者習漢文撥八旗教養兵額滿洲三十蒙古漢軍各十名錢糧分給學生定漢教習每旗五人乾隆初定官學生肄業以十年爲率三年內講誦經書監臣考驗擇材質聰穎有志力學者歸漢文班年長願學繙譯者歸滿文班三年欽派大臣考取漢文明通者拔爲監生升太學與漢貢監究心明經治事期滿擇尤保薦考選錄用八年定漢教習三年期滿分等引見一等用知縣二等用知縣或教職銓選一等再教習三年果實心訓課者知縣卽用蒙古教習五年期滿實心訓課者用護軍校驍騎校滿助教每旗二人以八旗文進士舉人繙譯進士舉人恩拔副歲貢生文生員繙譯生員廢員筆帖式考取三十三年下五旗包衣每旗增設學生十名滿洲六蒙古漢軍各二不給錢糧五十四年於每旗百名內裁十名選取經書熟文理優者二十人加給膏火資鼓勵嘉道以後官學積漸廢弛八旗子弟僅恃此進身教習停年期滿例子錄用月課虛應故事雖明諭屢督責迄難振刷光緒初力籌整頓每學以滿漢科甲官一人爲管學官專司考覈學生課程教習勤

脩簡派滿漢進士出身大員爲二人管理八旗官學大臣每學添設翰林編檢一員月課季考分司考校春秋赴監會考如舊同光間國學及官學造就科舉之才亦頗稱盛然附於帖括咕嗶制鮮變通三十一年監臣奏於南學添設科學未幾裁國子監併設學部文廟祀典設國子丞一人掌之八旗官學改併學堂算學亦改稱欽天監天文算學隸欽天監而太學遂與科目相終始云

宗學肇自虞廷命夔典樂教胄子三代無宗學名而義已備唐宋後有其名而制弗詳清順治十年八旗各設宗學選滿洲生員爲師凡未封宗室子弟十歲以上俱入學習清書雍正二年定制左右兩翼設滿漢學習一王公將軍及閒散宗室子弟十八歲以下入學分習清漢書兼騎射以王公一人總其事設總副管以宗室分尊齒長者充之清書教習二人選能開旗員及進士舉人貢生生員善繙譯者充之騎射教習二人選能開旗員及護軍校善射者充之每學生十人設漢書教習一人禮部考取舉貢充之三年期滿分別等第錄用十一年兩學各以翰林官二人董率課程分日講授經義文法乾隆初以滿漢京堂

各一人總稽學課月試經義繙譯及射藝九年定每屆五年簡大臣合試兩翼學生欽定名次以會試中式註冊俟會試年習繙譯者與八旗繙譯貢生同引見賜進士用府屬額外主事習漢文者與天下貢士同殿試賜進士甲第用翰林部屬等官十年考試漢文繙譯無佳作諭曰我朝崇尚本務宗室子弟俱講究清文精通騎射誠恐學習漢文流於漢人浮靡之習世祖諭停習漢書所以敦本質黜浮華也嗣後宗室子弟不能習漢文者其各嫻習武藝儲爲國家有用之器明年定學額左翼七十右翼六十二十一年裁漢教習九人改繙譯教習增騎射教習翼各一人嘉慶初畫一兩翼學額增右翼十名定每學教習滿三人漢四人十二年兩翼各增學額三十足百名爲永制覺羅學雍正七年詔八旗於衙署旁設滿漢學各一覺羅子弟八歲至十八歲入學讀書習射規制略同宗學總管王公春秋考驗三年欽派大臣會同宗人府考試分別獎懲學成與旗人同應歲科試及鄉會試並考用中書筆帖式學額鑲黃旗六十一正黃旗三十六正白旗正紅旗各四十鑲白旗十五鑲紅旗六十四正藍旗三十

九鑲藍旗四十五滿漢教習旗各二人惟鑲白旗各一景山官學康熙二十四年令於北上門兩旁官房設官學選內府三旗佐領管領下幼童三百六十名清書三房各設教習三人漢書三房各設教習四人初滿教習用內府官老成者漢教習禮部考取生員文理優通者尋改選內閣善書射之中書充滿教習新進士老成者充漢教習雍正後漢教習以舉人貢生考取三年期滿咨部叙用學生肄業三年考列一等用筆帖式二等用庫使庫守乾隆四十四年許回子佐領下選補學生四名嘉慶間定額鑲黃旗正白旗均百二十四正黃旗百四十回童四咸安宮官學雍正六年詔選內府三旗佐領管領下幼童及八旗俊秀者九十名以翰林官居住咸安宮教之漢書十二房清書三房各設教習一人教射教國語各三人如景山官學考取例五年欽派大臣考試一二等用七八品筆帖式漢教習三年清語騎射教習五年分別讓叙乾隆初定漢教習選取新進士不足於明通榜舉人考充期滿進士用主事知縣舉人用知縣教職二十三年以後不論年分許學生考繙譯中書筆帖式庫使定教習漢九人

滿六人宗學覺羅學隸宗人府景山學咸安宮學隸內務府諸學總管教習等類乏通才經費徒糜甚者費舍空虛期滿時例報成就學生若干名而已光緒二十八年翰林院侍讀寶熙奏請援同文館歸併大學堂例將宗室覺羅八旗等官學改併中小學堂均歸管學大臣辦理從之他如世職官學八旗及禮部義學健銳營外火器營圓明園護軍營等學皆清代特設習滿蒙語言文字各府州縣衛儒學明制具備清因之世祖勘定天下命賑助貧生優免在學生員官給廩餼順治七年改南京國子監爲江甯府學葺頤殿碑文刊石立直省學宮諭禮部曰帝王敷治文教爲先臣子致君經術爲本自明末擾亂日尋干戈學問之道闕焉未講今天下漸定朕將興文教崇經術以開太平爾部傳諭直省學臣訓督士子凡理學道德經濟典故諸書務研求淹貫明體則爲真儒達用則爲良吏果有實學朕必不次簡拔重加任初各省設督學道以各部郎中進士出身者充之惟順天江南浙江爲提督學政用翰林官宣大蘇松江安徽揚肇高先皆分設既乃裁併上下江湖南北則裁併後仍分設雍正中一體改稱學院省設一人奉天以府丞臺灣以臺灣道兼之甘肅自分關後始設學

政各學教官府設教授州設學正縣設教諭各一皆設訓導佐之員額時有裁併生員色目曰廩膳生增廣生附生初入學曰附學生員廩增有定額以歲科兩試等第高者補充生員額初視人文多寡分大中小學大學四十名中學三十名小學二十名嗣改府視大學大州縣視中學減半小學四名或五名康熙九年大府州縣仍舊額更定中學十二名小學七名或八名後屢有增廣滿洲蒙古漢軍子弟初歸順天考試取進滿洲漢軍各百二十名蒙古六十名康熙中減定滿蒙四十名漢軍二十名旋復增爲滿蒙六十漢軍三十學政三年任滿歲科兩試順治十五年停直省科試康熙十二年復之儒童入學考試初用四書文孝經論各一孝經題少又以性理太極圖語通書西銘正蒙命題嗣定正試四書文二覆試四書文小學論各一雍正初科試加經文冬月尋短書一經一尋定科試四書經文外增策論題仍用孝經乾隆初覆試兼用小學論中葉以後試書藝經藝各一增五言六韻詩聖祖先後頒聖諭廣訓及訓飭士子

文於直省儒學雍正間學士張照奏令儒童縣府覆試背錄聖諭廣訓一條著爲令凡新進生員如國子監坐監例令在學肄業以次期新生入學爲滿教官考校之法有月課季考四書文外兼試策論翌日講大清律刑名錢穀要者若干條月集諸生明倫堂誦訓飭士子文及臥碑諸條諸生環聽除了憂患病游學有事故外不應月課三次者戒飭無故終年不應者黜革試卷申送學政查覆訖於嘉慶月課漸不舉行御史辛從益以爲言詔令整頓嗣是教官多閑茸不稱職有師生之名無訓誨之實矣學政考覈教官按其文行及訓士勤惰隨時薦黜康熙中令撫臣考試副教職部選後赴撫院試四等以上給憑赴任五等學習三年再試六等礙職雍正初定四五等俱解任學習六年考成俸滿盡心訓導士無過犯者督撫學政保題擢用知縣學臣按臨謁先師升明倫堂官生以次揖見生員掣籤講書各講大清律三條西嚮立講畢東嚮立俟行賞罰考試生員舊例歲科試俱四書文二經文一自有給燭之禁例不出經題雍正元年科試增經文冬月一書一經六年更定歲試兩書一經冬月一書一經科

試書一經一策一冬月減經文乾隆二十三年改歲試書一經一科試書一策一詩一冬月亦如之欠考勒限補行三次黜革後寬其例五次以上乃黜駐防考試清初定制各省駐防弁兵子弟能讀書者詣京應試乾隆時參領金珩請許歲科試將軍先試騎射就近送府院取進嚴旨切責嘉慶四年湖南布政使通恩奏如金珩言詔議行應試童生五六名取進一名佐領約束之訓習清語騎射府學課文藝明年諭曰我滿洲根本騎射爲先若八旗子弟專以讀書應試爲能輕視弓馬怠荒武備殊失國家設立駐防之憲嗣後各省駐防官弁子弟不得因有就近考試之例遂荒本業漢軍設廩增自順治九年始康熙十年滿蒙亦設廩增初制各二十名嗣減漢軍十名雍正間定額滿蒙六十漢軍三十直省廩增額府四十州三十縣二十衛十其新設者府學視州學州學視縣學其一學分兩學則均分其額或差分之六等黜陟法視明爲繁密考列一等增附青社俱補廩無廩缺附青社補增無增缺青社復附各候廩原廩增停降者收復二等增補廩附青社補增無增缺青社復附停廩降增者復廩增降附

者復增不許補廩三等停廩者收復候廩丁憂起復病痊考復緣事辨復增降附者許收復青衣發社者復附廩降增者不許復四等廩免責停餼不作缺限讀書六月送考停降者不許限考增附青社俱扑責五等廩停作缺原停廩者降增增降附附降青衣青衣發社原發社者黜爲民六等廩膳十年以上發社六年以上與增十年以上者發本處充吏餘黜爲民入學未及六年者發社科試一二等送鄉試附補廩增如歲試大率祇列三等八旗生員給錢糧考列四等以下停給次屆列一二三等給還優等補廩增劣等降青社如漢生員八旗故重騎射往往不苛求文藝但置後等凡優恤諸生例免差徭廩生貧生給學租養贖違犯禁令小者府州縣行教官責懲大者中學政黜革後治罪地方官不得擅責學政校外賞黜優劣以爲勸懲如教官徇庇劣生不揭報或經揭報學政不嚴加懲處分別罰俸銷級褫職其大較也光緒末科舉廢丙午並停歲科試天下生員無所託業迺議廣用途許考各部院臚錄並於考優年令州縣官教官會保申送督撫學政考取文理暢達事理明晰者大省百名中省七

十名小省五十名咨部以巡檢典史分別註選或分發試用各省學政改司考
校學堂未幾學政裁教官停選在職者凡生員考職孝廉方正各事屬之俸滿
用知縣或以直州同鹽庫大使用儒學雖不廢名存實亡非一日矣武生附儒
學通稱武生順治初京衛武生童考試隸兵部康熙三年改隸學院直省府州
縣衛武生儒學教官兼轄之騎射外教以五經七書百將傳及孝經四書學政
三年一考順天舊設武學自八旗設儒學教官兼轄滿洲蒙古漢軍武生裁武
學官大宛兩縣武生順天教官轄之學額如文生童例分大中小學自二十名
遞減至七八名考試分內外場先外場騎射次內場策論歲試列一二等准作
科舉故武生有歲試無科試各省書院之設輔學校所不及初於省會設之世
祖頒給帑金風勵天下厥後府州縣次第建立延聘經明行修之士爲之長秀
異多出其中高宗明詔獎勵比於古者侯國之學儒學寢衰教官不舉其職所
賴以造士者獨在書院其裨益育才非淺渺也又有義學社學社學鄉置一區
擇文行優者充社師免其差徭量給廩餼凡近鄉子弟十二歲以上令入學義

學初由京師五城各立一所後各省府州縣多設立教孤寒生童或苗蠻黎極子弟秀異者規制簡略可無述也

清史稿

志

選舉二

學校下

學校新制之沿革略分二期同治初迄光緒辛丑以前爲無系統教育時期辛丑以後迄宣統末爲有系統教育時期自五口通商英法聯軍入京後朝廷鑒於外交挫衄非興學不足以圖強先是交涉重任率假手無識牟利之通事往往以小嫌釀大釁至是始悟通事之不可恃又震於列強之船堅礮利急須養成繙譯與製造船械及海陸軍之人才故其時首先設置之學校曰京師同文館曰上海廣方言館曰福建船政學堂及南北洋水師武備等學堂京師同文館之設從總理各國事務衙門之請始於同治元年初止教授各國語言文字六年議於同文館內添設算學館時京僚著於時務謗譏繁興原疏排斥衆議言之剴切謂西人製器之法無不由度數而生中國欲講求製造輪船機器諸法苟不藉西士爲先導師心自用無裨實際疆臣如左宗棠李鴻章等皆深明

其理堅持其說詳於奏牘且西人之術聖祖深諳之矣當時列在臺官垂爲時
憲本朝掌故不宜數典而忘若以師法西人爲恥其說尤謬中國狃於因循不
思振作恥孰甚焉今不以不如人爲恥獨以學其人爲恥將安於不如而終不
學遂可雪恥乎學期適用事貴因時物議雖多權衡宜定原議招取滿漢舉人
恩拔副歲優貢生並由此出身之正途人員又擬推廣凡翰林院庶吉士編修
檢討與五品以下進士出身之京外各官年在三十歲以內者均可送考三年
考列高等者按升階優保班次以示鼓勵詔從其議上海廣方言館創設於同
治二年江蘇巡撫李鴻章言京師同文館之設實爲良法惟洋人總匯地以上
海廣東兩口爲最擬仿照同文館例於上海添設外國語言文字學館選近郡
年十四歲以下資稟穎悟根器端靜之文童聘西人教習並聘內地品學兼優
之舉貢生員課以經史文藝學成送本省督撫考驗作爲該縣附學生其候補
佐雜等官年少聰慧者許入館一體學習學成酌給升途三五年後有此一種
讀書明理之人精通番語凡通商督撫衙署及海關監督應設繙譯官承辦洋

務者卽於館中遴選派充庶關稅軍需可期核實無賴通事亦稍斂迹且能盡閱西人未譯專書探隨索隱一切輪船火器等巧技由漸通曉於自強之道不無裨助帝諭廣州將軍查照辦理福建船廠同治五年左宗棠督閩時奏設並設隨廠學堂分前後二堂前堂習法文練習造船之術後堂習英文練習駕駛之術課程除造船駕駛應習常課外兼習策論令讀聖諭廣訓孝經以明義理首總船政者爲沈葆楨規畫閩遠尤重視學堂十二年奏陳船工善後事宜請選派前後堂生分赴英法學習製造駕駛之方及推陳出新練兵制勝之理學生有天資傑出能習礦學化學及交涉公法等事均可隨宜肄業尋葆楨任南洋大臣光緒二年奏派華洋監督訂定章程船政學堂成就之人材實爲中國海軍人材之嚆矢學堂設於馬尾故清季海軍將領亦以閩人爲最多天津水師學堂光緒八年北洋大臣李鴻章奏設明年招取學生入堂肄業分駕駛管輪兩科教授用英文兼習操法及讀經國文等科優者遣派出洋留學以資深造厥後海軍諸將帥由此畢業者甚夥鴻章又於光緒十一年奏設天津武備

學堂規制略仿西國陸軍學堂挑選營中精健聰穎略通文義之弁目入堂肄業文員願習武事者一併錄取其課程一面研究西洋行軍新法如後膛各種鎗礮土木營壘及布陣分合攻守各術一面赴營實習演試鎗礮陣勢及造築壘壘惟學生係挑選弁目雖聘用德國教員不能直接聽講仍用繙譯展轉教授與水師學堂注重外國文者不同初制學習一年後考試及格學生發回各營由統領量材授事其後逐漸延長年限選募良家年幼子弟肄業迨庚子之變學堂適當戰區全校淪爲灰燼矣此外廣東水陸師學堂則粵督張之洞於光緒十三年奏設之洞調任鄂督二十一年又奏設湖北武備學堂其辦法課程水師分管輪駕駛兩項陸師分馬步鎗礮營造等項大略參照北洋成法泊海軍成立新軍改建此類學堂南洋及各省增設日盛不具述至湖北自強學堂亦之洞創設初分方言格致算學商務四門惟方言一齋住堂肄業餘三齋按月考課其後算學改歸兩湖書院教授格致商務停課本堂專課方言以爲西學梯階方言分英法德俄四門亦類似同文館之學堂也光緒丙申丁酉間

各省學堂未能普設中外臣工多以變通整頓書院爲請詔飭裁改禮部議准章程併課天算格致等學陝西等省創設格致實學書院以補學堂之不逮焉大抵此期設學之宗旨專注實用蓋其動機緣於對外故外國語及海陸軍得此期教育之主要無學制系統之足言惟南洋公學雖亦承襲此期教育之宗旨而學制分爲三等已寓普通學校及豫備教育之意旨先是光緒二十一年津海關道盛宣懷於天津創設頭二等學堂頭等學堂課程四年第一年習竣欲專習一門者得察學生資質酌定專門凡五一工程學二電學三鑛務學四機器學五律例學二等學堂課程四年按班次遞升習滿升入頭等意謂二等擬外國小學頭等擬外國大學因初設探通融求速辦法教員既苦乏才學生亦難精擇無甚成效二十三年宣懷又於上海創設南洋公學如津學制而損益之經費取給招商電報兩局捐助奏明辦理因名公學分四院曰師範院曰外院曰中院曰上院外院卽附屬小學爲師範生練習之所中上院卽二等頭等學堂寓中學堂高等學堂之意課程大體分中文英文兩部而注重法政

經濟上院畢業生擇尤異者咨送山洋就學於各國大學意謂內國大學狹難
設置以公學爲豫備學校而以外國大學爲最高學府論者謂中國教育有系
統之組織此其見端焉後改歸郵傳部管轄定名高等實業學堂其課程性質
非復設立之初旨此第一期無系統教育之大略也自甲午一役喪師辱國列
強羣起攘奪權利國勢益岌岌朝野志士恍然於嚮者變法之不得其本侍郎
李端棻主事庫有爲等均條議推廣學堂光緒二十四年德宗諭曰邇者詔書
數下開特科改武科制度立大小學堂惟風氣尙未大開論說莫衷一是國是
不定則號令不行特明白宣示中外自王公至士庶各宜努力發憤以聖賢義
理之學植其根本博探西學切於時務者實力講求以救空疏迂謬之弊京師
大學爲各省倡應首先舉辦凡翰林編檢部院司員各門侍衛候補候選道府
州縣以下各官大員子弟八旗世職各省武職後裔均准入學肄業以期人材
輩出共濟時艱下軍機大臣總理各國事務王大臣妥議奏聞尋議覆籌辦京
師大學堂擬定章程要端凡四一寬籌經費二宏建學舍三慎選管學大臣四

簡派總教習詔如所擬命孫家鼐管理大學堂事務經費由戶部籌撥五月又諭各直省督撫將各省府廳州縣大小書院一律改爲兼習中西學之學校其階級以省會之大書院爲高等學郡城之書院爲中學州縣之書院爲小學頒給京師大學章程令仿照辦理各書院經費儘數提作學堂經費紳民如能捐建學堂或廣爲勸募准奏請給獎有獨立措捐鉅款者予以破格之賞民間祠廟不在祀典者一律改爲學堂以節糜費而隆教育是時管學大臣之權限不專管理京師大學堂並節制各省所設之學堂實以大學校長兼全國教育部長之職權又以同文館及北洋學堂多以西人爲總教習於中學不免偏枯且外國文不止一國學科各有專門非一西人所能勝任必擇學貫中西能見其大之中國學者爲總教習破格錄用有選派分教習之權蓋以管學大臣必大學士或尙書充任而總教習則不拘資格可延攬新進之人才也學生分兩班已治普通學卒業者爲頭班現治普通學者爲二班猶是南洋公學之舊法課程分普通專門兩類普通學學生必須通習專門學人各占一門或二門普通

學科目爲經學理學掌故學諸子學初級算學初級格致學初級政治學初級地理學文學體操學語言文字學專門學科目爲高等算學高等格致學高等政治學法律屬之高等地理學測繪屬之農學礦學工程學商學兵學衛生學醫學屬之考驗學生用積分法學生月給膏火銀兩有差上海設編譯局各學科除外國文外均讀編譯課本籌辦大學章程之概要如此未幾八月政變頑固黨把持朝局卒釀成庚子之禍逮二十七年學校漸有復興之議其首倡者則山東巡撫袁世凱也初世凱奏陳東省開辦大學堂章程有旨飭下各省仿辦令政務處會同禮部妥議選舉鼓勵章程尋議言東西各國學堂皆係小學中學大學以次遞升畢業後始予出身擬請按照辦理小學畢業生考試合格選入中學堂畢業考試合格再選入大學堂畢業考試合格發給憑照督撫學政按其功課嚴密局試優者分別等第咨送京師大學堂覆試作爲舉人貢生其貢生留下屆應考願應鄉試者聽舉人積有成數由京師大學堂嚴加考試優者分別等第咨送禮部簡派大臣考試候旨欽定作爲進士一體殿試酌加

擢用優子官階查世凱辦法以通省學堂一時未能徧舉先於省城建立學堂分齋督課其備齋正齋卽隱寓小學中學之規制既經諭令各省仿辦應酌照將來選舉章程用資鼓勵報可所議混合科舉學制爲一事謂之學堂選舉鼓勵章程各省多未及實行而罷辛丑帝后回鑾以創痛鉅深力求改革十二月諭曰興學育才實爲當今急務京師首善之區尤宜加意作育以樹風聲前建大學應切實舉辦派張百熙爲管學大臣責成經理務期端正趨嚮造就通才其裁定章程妥議具奏旋諭將同文館併入大學堂毋庸隸外務部二十八年正月百熙奏籌辦大學堂情形豫定辦法一條言各國學制幼童於蒙學卒業後入小學三年卒業升中學又三年升高等學又三年升大學以中國準之小學卽縣學堂中學卽府學堂高等學卽省學堂目前無應入大學肄業之學生通融辦法惟有暫時不設專門先設立一高等學爲大學豫備科分政藝二科以經史政治法律通商理財等事隸政科以聲光電化醫工醫算等事隸藝科查京外學堂辦有成效者以湖北自強學堂上海南洋公學爲最此外如京師

同文館上海廣方言館廣東時敏浙江求是等學堂開辦皆在數年以上不乏合格之才更由各省督撫學政考取府州縣高材生咨送來京覆試如格入堂肄業三年卒業及格者升大學正科不及格者分別留學撤退大學豫科與各省省學堂卒業生程度相同由管學大臣考驗合格請旨賞給舉人正科卒業考驗合格請旨賞給進士惟國家需材孔亟欲收急效而少棄才則有速成教員一法於預備科外設速成科分二門曰仕學館曰師範館凡京員五品以下八品以上外官道員以下教職以上皆許考入仕學館舉貢生監皆許考入師範館仕學三年卒業擇尤保獎師範三年卒業擇優異者帶領引見生准作貢生貢生准作舉人舉人准作進士分別給予准作小學中學教員文憑蓋豫科生必取年歲最富學術稍精者再加練習儲為真正合格之才速成生則取更事較多立志猛進者取其聽從速化之效至增建校舍附設譯局廣購書籍儀器尤以寬籌經費為根原經費分兩項一華俄道勝銀行存款之息金全數撥歸大學堂一請飭各省籌助經費每年大省二萬金中省一萬金小省五千金

常年撥解京師從之七月百熙遵擬學堂章程疏言古今中外學術不同其所以致用則一歐美日本諸邦現行制度頗與中國古昔盛時良法相同禮記載家有熟黨有庠州有序國有學比之各國則國學卽大學家熟黨庠州卽蒙學小學中學等級蓋甚分明周以前選舉學校合而爲一漢以後專重選舉及隋設進士科以來士皆殫精神於詩賦策論所謂學校名存而已今日而議振興教育必以眞能復學校之舊爲第一要圖雖中外政教風氣原本不同然其條目秩序之至陋而不可亂不必盡泥其迹不能不兼取其長謹上溯古制參考列邦擬定京師大學暨各省高等學中學小學蒙學章程候欽定頒行各省核實興辦凡名是實非之學堂及庸濫充數之教習一律從嚴整頓詔下各省督撫按照規條實力奉行是爲欽定學堂章程教育之有系統自此始京師大學堂分大學院大學專門分科大學豫備科附設者仕學師範兩館大學院主研究不講授不立課程專門分科凡七曰政治科曰文學科曰格致科曰農業科曰工藝科曰商科曰醫術科政治科分目二政治法律文學科分目七經

學史學理學諸子掌故詞章外國語言文字格致科分目六天文地質高等算學化學物理動植物農業科分目四農藝農美化學林學獸醫工藝科分目八土木機器造船造兵器電氣建築應用化學採礦冶金商務科分目六簿記產業製造商業語言商法商業史商業地理醫術科分目二醫藥學豫備科分目二政藝兩科政科課目倫理經學諸子詞章算學中外史中外輿地外國文物物理名學法學理財體操藝科課目倫理中外史外國文算學物理化學動植物地質及礦產圖畫體操爲入專理某科便利計得增減若干科目各三年卒業仕學館課目算學博物物理外國文輿地史學掌故理財交涉法律政治師範館課目倫理經學教育習字作文算學中外史中外輿地博物物理化學外國文圖畫體操各省高等學堂爲中學卒業之升途又爲入分科大學之豫備分政藝兩科課程與大學豫科同三年卒業高等學外得附設農工商醫高等實業學堂亦中學卒業生升入教授用專科教員制各任一門中學堂爲高等小學卒業之升途卽爲入高等學之豫備課目修身讀經算學詞章中外史中外輿

地外國文圖畫博物物理化學體操四年卒業中學外得設中等農工商實業學堂高小卒業生不願治普通學者入之又附設師範學堂課目視中學惟酌減外國文加教育學教授法得合兩班或三班以兩三教員各任數科目分教之小學堂分高等尋常二級兒童自六歲起受蒙學四年十歲入尋常小學修業三年此七年定爲義務教育十三歲入高等小學三年卒業得附設簡易農工商實業學堂尋常小學卒業者入之尋常小學課目修身讀經作文習字史學輿地算術體操高等小學課目增讀古文辭理科圖畫餘同尋常小學教授採用級任制正教習外得置副教習蒙學堂屬義務教育府廳州縣城鎮鄉集均應設立凡義塾或家塾應照蒙學課程核實改辦課目同尋常小學惟作文易以字課蒙學宗旨在於改良私塾故章程規定頗注重教授法之改善於兒童身心之體察三致意焉至學生出身獎勵小學卒業獎給附生中學卒業獎給貢生高等學卒業獎給舉人大學分科卒業獎給進士各省師範卒業照大學師範館例給獎其大較也欽定章程雖未臻完備然已有系統之組織頒布

未及二年旋又廢止先是百熙招致海內名流任大學堂各職吳汝綸爲總教習赴日本參觀學校適留日學生迭起風潮詠謠繁興滿漢黨爭日甚二十九年正月命榮慶會同百熙管理大學堂事宜二人學術思想不同用人行政意見尤多歧異時鄂督張之洞入覲之洞負海內重望於川晉粵鄂曾創設書院及學堂著勸學篇傳誦一時尤抱整飭學務之素志閏五月榮慶約同百熙奏請添派之洞會商學務詔飭之洞會同管學大臣釐定一切學堂章程期推行無弊十一月百熙榮慶之洞會奏重訂學堂章程言各省初辦學堂難得深通教育理法之人學生率取諸原業科舉之士未經小學陶鎔而來言論行爲不免軼於範圍之外此次奉諭會商釐定詳細推求倍加審慎博考外國各項學堂課程門目參酌變通擇其宜者用之其於中國不相宜者缺之科目名稱不可解者改之過涉繁重者減之無論何等學堂均以忠孝爲本以中國經史之學爲基俾學生心術豈歸於純正而後以西學淪其智識練其藝能務期他日成材各適實用擬成初等小學高等小學中學高等學各章程大學附通儒院

章程原章有蒙學名目所列實卽外國初等小學之事外國蒙養院一名幼稚園參酌其意訂爲蒙養院章程及家庭教育法此原章所有而增補其缺略者也辦理學堂首重師範原訂師範館章程係僅就京城情形試辦尙屬簡略另擬初級優級師範學堂章程並任用教員章程京城師範館改照優級師範辦理此外仕學館屬暫設不在各學堂統系之內原章應暫仍舊譯學館卽方言學堂進士館係奉特旨令新進士概入學堂肄業課程與各學堂不同併酌定章程課目又國民生計莫要於農工商實業興辦實業學堂有百益而無一弊另擬初等中等高等農工商實業學堂章程附實業補習普通學堂藝徒學堂實業教員講習所各章程此原章未及而別加編訂者也又中國禮教政俗與各國不同少年初學胸無定識曉雜浮蕞在所不免規範不容不肅稽察不容不嚴特訂立規條申明禁令爲學堂管理通則並將設學宗旨立法要義總括發明爲學務綱要果能按照現定章程認真舉辦民智可開國力可富人才可成不致別生流弊至學生畢業考試升級入學考試及獎勵錄用之法亦經詳

定專章伏候裁定又奏奉旨興辦學堂兩年有餘至今各省未能多設者經費難籌也經費所以不能指集者科舉未停天下士林謂朝廷之意並未尊重學堂也科舉不變通裁減人情不免觀望紳富孰肯籌指經費斷不能籌學堂斷不能多人學堂者恃有科舉一途爲退步不肯專心嚮學且不肯恪守學規況科舉文字多剽竊學堂功課務實修科舉止憑一日之短長學堂必盡累年之研究科舉但取詞章學堂並重行檢彼此相衝難易迥別人情莫不避難就易當此時勢阨危除興學外更無養才濟時之術或慮停罷科舉士人競談西學而中學無人肯講現擬章程於中學尤爲注重凡中國向有之經學史學文學理學無不包舉靡遺科科所講習者學堂無不優爲學堂所兼通者科舉皆所未備是取材於科舉不如取材於學堂彰彰明矣或又慮學堂雖重積分法分數定自教員保無以愛憎而意爲增損不知功課優絀當堂考驗教員卽欲違衆徇私而公論可憑萬難掩飾臣等尙恐偶有此弊故於中學考試歸學政主持督同道府辦理高等學畢業請簡放主考會同督撫學政考試大學畢業請

簡放總裁會同學務大臣考試不專憑本學堂所定分數凡科舉掄才之法已括諸學堂獎勵之中實將科舉學堂合併爲一就事理論必須科舉立時停罷學堂辦法方有起色經費方可設籌惟此時各省學堂未能徧設已設學堂辦理未盡合法不欲遽議停罷科舉然使一無舉動天下未見朝廷有遞減以至停罷之明文實不足風示海內士民收振興學堂之効請查照臣之洞會同袁世凱原奏分科遞減之法明降諭旨從下屆丙午科起每科遞減中額三分之一一面照現定各學堂章程從師範入手責成各省實力舉行至第三屆壬子科應減盡時尙有十年計京外開辦學堂已逾十年以外人才應已輩出天下士心專注學堂籌措經費必立見踴躍人人爭自濯磨相率入學堂求實在有用之學氣象一新人才自奮轉弱爲強實基於此詔悉如所請是爲頒布奏定章程之期時科舉未全廢止也迨三十一年世凱之洞會奏科舉一日不停士人有傲幸得第之心以分其砥礪實修之志民間相率觀望私立學堂絕少如再遲十年甫停科舉學堂有遷延之勢人才非急切可求必須二十餘年後始

得多士之用擬請宸衷獨斷立罷科舉飭下各省督撫學政學堂未辦者從速提倡已辦者極力擴充學生之良莠辦學人員之功過認真考察不得稍辭其責遂詔自丙午科始停止各省鄉會試及歲科試尋諭各省學政專司考校學堂事務於是沿襲千餘年之科舉制度根本剷除嗣後學校日漸推廣學術思想因之變遷此其大關鍵也是時學務之組織尙有一重要之變更則專設總理學務大臣也二十九年之洞言管學大臣既管京城大學堂又管外省各學堂事務當此經營創始條緒萬端專任猶虞不給兼綜更恐難周請於京師專設總理學務大臣統轄全國學務另設總監督一員專管京師大學堂事務受總理學務大臣節制考核俾有專責詔允改管學大臣爲學務大臣並加派孫家鼐爲學務大臣命大理寺少卿張亨嘉充大學堂總監督奏定章程規定學校系統足補欽定章程所未備其分科及課目較舊章亦多有變更大學設通儒院及大學本科通儒院不講授無規定課目大學本科分科八曰經學科分十一門周易尙書毛詩春秋左傳春秋三傳周禮儀禮禮記論語孟子附理學

曰政法科分二門政治法律曰文學科分九門中國史萬國史中外地理中國文學英國文學法國文學俄國文學德國文學日本國文學曰醫科分二門醫學藥學曰格致科分六門算學星學物理化學動植物地質曰農科分四門農學農藝化學林學獸醫曰工科分九門土木機器造船造兵器電氣建築應用化學火藥採鑛冶金曰商科分三門銀行及保險貿易及販運關稅各專一門經學願兼習一兩經者聽各學科分主課補助課三年畢業惟政治醫學四年畢業高等學與大學豫備科性質相同學科分三類第一類爲豫備入經學政法文學商科等大學者治之第二類爲豫備入格致農工等科大學者治之第三類爲豫備入醫科大學者治之學科除人倫道德經學大義中國文學外國語體操各類共同外第一類課歷史地理辨學法學理財第二類課算學物理化學地質鑛物圖畫第三類課蠟丁語算學物理化學動物植物其有志入某科某門者得缺或科目加課他科目分通習主課三年畢業中學科目修身讀經講經中國文學外國語歷史地理算學博物物理及化學法制及理財圖畫

體操五年畢業高等小學科目修身讀經講經中國文學算術中國歷史地理格致圖畫體操視地方情形可加授手工農商業等科目四年畢業初等小學科目修身讀經講經中國文學算術歷史地理格致體操爲完全科視地方情形可加授圖畫手工之一二科目其鄉民貧瘠師儒缺少地方得量從簡略修身讀經合爲一科中國文學科歷史地理格致合爲一科算術體操爲簡易科五年畢業中小學科目不外普通教育之學科其特殊者則讀經講經一科也學務綱要載中小學宜注意讀經以存聖教一節其言曰外國學堂有宗教一門中國之經書卽是中國之宗教學堂不讀經則是堯舜禹湯文武周公孔子之道所謂三綱五常盡行廢絕中國必不能立國無論學生將來所執何業卽由小學改業者必須曾誦經書之要言略聞聖教之要義以定其心性正其本源惟學堂科學較繁尋刻有限概令全讀十三經精力日力斷斷不給茲擇切要各經分配中小學堂若卷帙繁重之禮記周禮止選讀通儒節本儀禮止選讀最要一篇自初等小學第一年日讀約四十字起至中學日讀約二百字爲

止大半小學每日以一點鐘讀經一點鐘挑背淺解中學每星期以六點鐘讀經三點鐘挑背講解溫經每日午點鐘歸自習時督課學生並不過勞亦無礙講習西學之日力計中學畢業已讀過孝經四書易書詩左傳及禮記周禮儀禮節本十經並通大義較之向來書塾書院所讀所解已爲加多不惟聖經不至廢墜且經學從此更可昌明其立論甚正可考見當時之風氣焉蒙養院意在合蒙養家教爲一補助家庭教育兼包括女學直系學堂外並詳訂師範及實業學堂專章其大異於舊章者爲優級師範學堂學科分三節一曰公共科以補中學之不足爲本科之豫備科目人倫道德羣經源流中國文學東語英語辨學算學體操一年畢業二曰分類科凡四類第一類以中國文學外國語爲主第二類以地理歷史爲主第三類以算學物理化學爲主第四類以動植物鑛物生理爲主科目除人倫道德經學大義中國文學教育心理體操各類共同外第一類課周秦諸子英語德語或法語辨學生物生理第二類課地理歷史法制理財英語生物第三類課算學物理化學英語圖書手工第四類課

植物動物生理鑛物地學農學英語圖畫分通習主課均三年畢業三日加習
科於分類科畢業擇教育重要數門加習一年以資深造科目人倫道德教育
學教育制度教育政令機關美學實驗心理學校衛生專科教育兒童研究教
育演習並增入教授實事練習優級師範附屬中學堂小學堂初級師範學科
程度與中學略同完全科學科於中學科目外增教育學習字視地方情形可
加外國話手工農工業之一科目或數科目五年畢業初級師範附屬小學堂
實業學堂之種類曰實業教員講習所曰高等農工商實業學堂曰中等農工
商實業學堂曰初等農工商實業學堂及高等中等初等商船學堂曰實業補
習普通學堂曰藝徒學堂實業教員講習所以備教成各項實業學堂之教習
分農商工三種農業商業教員講習所除人倫道德英語教育教授法體操爲
共同學科外農業課算學及測量氣象農業汎論農業化學農具土壤肥料耕
種畜產園藝昆蟲獸醫水產森林農產製造農業理財實習商業課應用化學
應用物理商業作文商業算術商業地理商業歷史簿記商品商業理財商業

實踐均二年畢業工業教員講習所置完全科及簡易科完全科凡六曰金木
科木工科染織科窯業科應用化學科工業圖樣科除人倫道德算學物理化
學圖畫工業理財工業衛生機器製圖實習英語教育教授法體操爲共同學
科外金工科課無機化學應用力學工場用具及製造法電氣工業大意發動
機木工科課無機化學應用力學工場用具及製造法構造用材料家具及建
築流派房屋構造衛生建築製圖及意匠染織科課一切器用化學應用機器
定性分析工業分析染色配色機織及意匠窯業科課一切應用化學應用機
器定性分析工業分析窯業品製造應用化學科課一切應用化學機器電鍍
及電鍍工業圖樣科課圖樣材料均三年畢業簡易科分金木工染色機織
陶器漆工六科課目較略一年畢業高等實業學堂程度視高等學堂分豫科
本科豫科授以各科普通基本功課一年畢業高等農業本科凡三曰農學科
曰林學科曰歐幣學科高等工業分科十三曰應用化學科曰染色科曰機織
科曰建築科曰窯業科曰機器科曰電器科曰電氣化學科曰土木科曰鑛業

科曰造船科曰漆工科曰圖稿繪畫科各授以本科原理原則應用方法及補助科目多者至三十餘門得斟酌地方情形擇合宜數科設之均三年畢業中等實業學堂程度視中學堂亦分豫科本科課目較高等爲略初等實業學堂程度視高等小學堂分普通實習兩種科目均三年畢業商船學堂亦分三等以授航海機關之學術及駕運商船之知識技術五年或三年畢業實業補習普通學堂以簡易教法授實業必須之知識技能並補習小學科目藝徒學堂授平等程度之工築技術俾成良善工匠均可於中小學堂便宜附設其不在學堂統系內者曰譯學館曰進士館先是同文館併入大學堂設英法俄德日本五國語文專科後由大學分出名譯學館仍設英法俄德日本文各一科無論習何國文皆須習普通及專門學普通科目人倫道德中國文學歷史地理算學博物物理及化學圖畫體操專門科目交涉理財教育五年畢業進士館令新進士用翰林部屬中書者入館肄業講求實用之學課目史學地理教育法學理財交涉兵政農政工商政格致得選習農工商兵之一科或兩科西

文東文算學體操爲隨意科三年畢業各學堂管理通則之規定與舊章大體相同月朔監督教員集諸生禮堂宣讀聖諭廣訓一條皇太后皇上萬壽節至聖先師孔子誕日春秋上丁釋奠爲慶祝日堂中各員率學生至萬歲牌前或聖人位前行三跪九叩禮畢各員西嚮立學生向各員行三揖禮退開學散學或畢業率學生至萬歲牌前聖人位前行禮如儀學生向監督教員行一跪三叩禮監督等施訓語乃散月朔率學生至聖人位前行禮如儀每日講堂授課多者不得過六小時房虛星昴日爲休息例假慶祝日端午中秋節各放假一日每年以正月二十日開學至小暑節散學爲第一學期立秋後六日開學至十二月十五日散學爲第二學期學生賞罰由教員監督核實三種曰語言獎勵曰名譽獎勵曰實物獎勵罰分三種曰記過曰禁假曰出堂學生以端飭品行爲第一要義監督監督及教員隨時稽察詳定分數與科學分數合算學堂考試分五種曰臨時考試曰學期考試曰年終考試曰畢業考試曰升學考試臨時試無定期學期年終畢業考試分數與平日分數平均計

算年考及格者升一級不及格者留原級補習下屆再試仍不及格者退學評定分數以百分爲滿格八十分以上爲最優等六十分以上爲優等四十分以上爲中等二十分以上爲下等謂之及格二十分以下爲最下等應出學畢業考試最重視學堂程度由所在地方官長會同監督教員親蒞之照鄉會試例高等學畢業簡放主考會同督撫學政考試大學分科畢業簡放總裁會同學務大臣考試分內外二場外場試就學堂舉行擇各科講義精要一二條摘問令諸生答述內場試擇地扁試分兩場首場以中學發題經史各一經用論史用策二場以西學發題政藝各一西政用考西藝用說通儒院畢業不派員考試以平日研究所得各種著述評定等第進呈候欽定其獎勵章程比照獎勵出洋遊學日本學生例通儒院畢業予以翰林升階或分用較優京外官大學分科畢業最優等作爲進士出身用翰林院編修檢討優等中等均作爲進士出身分別用翰林院庶吉士各部主事大學選科比照分科大學降等給獎大學豫備科及各省高等學畢業最優等作爲舉人以內閣中書知州用優等中

等均作爲舉人以中書科中書部司務知縣通判用中學業畢分別獎以拔貢優貢歲貢高等小學畢業分別獎以廩增附生初等小學屬義務教育不給獎優級師範畢業最優等中等均作爲舉人分別以國子監博士助教學正用初級師範畢業分別獎以拔貢優貢歲貢以教授教諭訓導用高等實業學堂畢業最優等優等中等均作爲舉人分別以知州知縣州同用中等實業學堂畢業獎勵視中學奏定章程規定之概要如此三十一年詔以各省學堂次第興辦必須有總匯之區以資董率而專責成特設學部命榮慶爲尙書熙瑛嚴修爲侍郎裁國子監歸併學部明年學部奏請宣示教育宗旨略言今中國振興學務宜注重普通教育令全國之民無人不學尤以明定宗旨宣示天下爲握要之圖中國政教所固有亟宜發明以距異說者有二曰忠君曰尊孔中國民質所最缺亟宜箴砭以圖振起者有三曰尙公曰尙武曰尙實帝諭照所陳各節通飭遵行尋奏定學部官制於本部各司科分掌教育行政事務外設編譯圖書局調查學制局京師督學局又擬設高等教育會議所屬學部長官

監督其議員選派部員及直轄學堂各省中等以上學堂監督暨京外官紳學識宏通於教育素有經驗者充任又擬設教育研究所延聘精通教育之員定期講演以訓練本部員司焉先是直督袁世凱奏陳學務未盡事宜以裁撤學政爲言雲南學政吳魯奏請裁撤學政至是學部會同政務處復議言各省教育行政及擴張興學之經費督飭辦學之考成與地方行政在在皆有關係學政位分較尊事權不屬於督撫爲敵體諸事不便於稟承於地方爲客官一切不靈於呼應且地方寥闊官立公立私立學堂日新月盛勢不能如歲科試分棚調考之例而循例按臨更日不暇給勞費供張無裨實事擬請裁撤學政各省改設提學使司提學使一員統轄全省學務歸督撫節制於省會置學務公所分曹隸事選派官紳有學者別設學務議紳四人延訪本省學望較崇之紳士充選議長一人學部慎選奏派從之嗣是各省學務始有確定之執行機關矣勸學所之設創始於直隸學務處時嚴修任學務處督辦提倡小學教育設勸學所爲廳州縣行政機關仿警察分區辦法採日本地方教育行政及學

校管理法訂定章程頗著成效三十二年學部奏定勸學所章程通行全國卽
修手訂原章也勸學所由地方官監督設總董一員以縣視學兼充綜核各學
區事務區設勸學員一人任一學區內勸學之責以勸募學生多寡定勸學員
成績之優劣其章程內推廣學務一條規定辦法凡五曰勸學曰興學曰籌款
曰開風氣曰去阻力又奏定各省教育會章程省會設立者爲總會府州縣設
立者爲分會以補助教育行政與學務公所勸學所相輔而行皆普及教育切
要之圖也學部設立後於各項學堂章程多所更正其要者如改訂考試辦法
詳定師範獎勵義務變通中小學課程中學分文科實科之類然大致不外修
正科目確定限制其宏綱細目不能出奏定章程之範圍所增定者則女學堂
章程也先是學部官制已將女學列入職掌三十三年奏定女子師範女子小
學章程以裨補家計有益家庭教育爲要旨師範科目修身教育國文歷史地
理算學格致圖畫家事裁縫手藝音樂體操四年畢業音樂得隨意學習小學
分兩等高等科目修身國文算術中國歷史地理格致圖畫女紅體操得酌加

音樂爲隨意科初等科目修身國文算術女紅體操得酌加音樂圖畫二隨意科均四年畢業其授業館點較男子小學減少與男子小學分別設立不得混
合宣統三年奏設中央教育會議以討論教育應行改進事宜及推行方法則
根據學部原奏擬設高等教育會議所之規定行之此爲第二期有系統之教
育制度也至考驗遊學畢業生光緒二十九年鄂督張之洞奏准鼓勵遊學章
程三十一年學務大臣考驗北洋學生金邦平等援照鄉會試覆試例奏請在
保和殿考試給予出身分別錄用迨三十二年學部奏定自本年始每年八月
舉行一次並爲綜覈名實起見妥議考驗章程將學成試驗與入官試驗分爲
兩事酌照分科大學及高等學畢業章程會同欽派大臣按所習學科分門考
試酌擬等第候欽定分別獎給進士舉人等出身仍將某科字樣加於進士等
名目之上以爲表識考試分兩場第一場就所習學科擇要命題第二場試中
國文外國文罷廷試明年學部憲政編查館會奏遊學畢業廷試錄用章程仍
暫照三十一年成案於欽派大臣會同學部考試請予出身後廷試一次分別

授職廷試用經義科學論說各一其醫工格致農等科大學及各項高等實業
學堂畢業者免試經義時遊學日本歐美畢業回國者絡繹不絕歲舉行考驗
以爲常終清世不廢

清史稿

志

選舉三

文科

武科

有清科目取士承明制用八股文取四子書及易書詩春秋禮記五經命題謂之制義三年大比試諸生於直省曰鄉試中式者爲舉人次年試舉人於京師曰會試中式者爲進士天子親策於廷曰殿試名第分一二三甲一甲三人曰狀元榜眼探花賜進士及第二甲若干人賜進士出身三甲若干人賜同進士出身鄉試第一曰解元會試第一曰會元二甲第一曰傳臚悉仍明舊稱也世祖統一區夏順治元年定以子午卯酉年鄉試辰戌丑未年會試鄉試以八月會試以二月均初九日首場十二日二場十五日三場殿試以三月二年頒科場條例禮部議覆給事中龔鼎孳疏言故明舊制首場試時文七篇二場論表各一篇判五條三場策五道應如各科臣請減時文二篇於論表判外增詩去策改奏疏帝不允命仍舊例首場四書三題五經各四題士子各占一經四書

主朱子集註易主程傳朱子本義書主蔡傳詩主朱子集傳春秋主胡安國傳
禮記主陳澧集說其後春秋不用胡傳以左傳本事爲文參用公羊穀梁二場
論一道判五道詔誥表內科一道三場經史時務策五道鄉會試同乾隆間改
會試三月殿試四月遂爲永制鄉試先期提學考試精通三場生儒錄送禁冒
濫在監肄業貢監生本監官考送倡優隸皂之家與居父母喪者不得與試卷
首書姓名籍貫年貌出身三代所習本經試卷題字錯落眞草不全越幅曳白
塗抹汚染太甚及首場七藝起訖虛字相同二場表失年號三場策題訛寫暨
行文不避廟諱御名至聖諱以違式論貼出士子用墨曰墨卷謄錄用硃曰硃
卷主考墨筆同考藍筆乾隆間同考改用紫筆未幾仍用藍試士之所曰貢院
士子席舍曰號房撥軍守之曰號軍試官入闈封鑰內外門隔以簾在外提調
監試等曰外簾官在內主考同考曰內簾官亦有內監試司糾察不與衡文事
以大員總攝場務鄉試曰監臨順天以府尹各省初以巡按御史巡按裁巡撫
爲之會試曰知貢舉禮部侍郎爲之順天提調以府丞監試以御史初各省提

調以布政使監試以按察使各副以道員雍正間以藩臬兩司爲一省錢穀刑名之總匯入閏月餘恐致曠滯提調監試專責二道員會試監試以御史殿試臨軒發策以朝臣進士出身者爲讀卷官擬名第進呈或如所擬或有更定一甲狀元授修撰榜眼探花授編修二三甲進士授庶吉士主事書行人評事博士推官知州知縣等官有差有清以科舉爲掄才大典雖初制多沿明舊而慎重科名嚴防弊竇立法之周得人之盛遠軼前代其間條例之損益風會之變遷繫乎人才之盛衰朝政之得失述其大者不可闕也鄉會試首場試八股文康熙二年廢制義以三場策五道移第一場二場增論一篇表判如故行止兩科而能四年禮部侍郎黃機言制科向係三場先用經書使開發聖賢之微旨以觀其心術次用策論使通達古今之事變以察其才猶今止用策論減去一場似太簡易且不用經書爲文人將置聖賢之學於不講請復三場舊制報可七年復初制仍用八股文二十四年用給事中楊爾淑請禮闈及順天試四書題俱欽命時詔誥題士子例不作文論表判策率多雷同剿襲名爲三場並

試實則首场爲重首场又四書藝爲重二十六年廢詔誥既而令五經卷兼作論題舊出孝經康熙二十九年兼用性理太極圖說通書西銘正蒙五十七年論題專用性理世宗初元詔孝經與五經並重爲化民成俗之本宋儒書雖足羽翼經傳未若聖言之廣大論題仍用孝經乾隆三年兵部侍郎舒赫德音科舉之制憑文而取按格而官已非良法况積弊日深僥倖日衆古人詢事考言其所言者卽其居官所當爲之職事也時文徒空言不適於用墨卷房行輾轉抄襲膚詞詭說蔓衍支離苟可以取科第而止士子各占一經每經擬題多者百餘少者數十古人舉生治之而不足今則數月爲之而有餘表判可預擬而得答策隨題敷衍無所發明實不足以得人應將考試條款改移更張別思所以選拔眞才實學之道章下禮部覆奏取士之法三代以上出於學漢以後出於郡縣吏魏晉以後出於九品中正隋唐至今出於科舉科舉之法不同自明至今皆出於時藝科舉之弊詩賦祇尙浮華而全無實用明經徒事記誦而文義不通唐趙匡所謂習非所用用非所習是也時藝之弊今該侍郎所陳奏是

也聖人不能使立法之無弊在因時而補救之蘇軾有言得入之道在於知人知入之道在於責實能責實雖由今之道而振作鼓舞人才自可奮興若惟務徇名雖高言復古立法立弊生於造士終無所益今謂時文經義及表判策論皆空言剿襲而無用者此正不責實之過凡宜之於口筆之於書皆空言也何獨今之時藝爲然時藝所論皆孔孟之緒言精微之奧旨參之經史子集以發其光華範之規矩準繩以密其法律雖曰小技而文武幹濟英偉特達之才未嘗不出乎其中不思力挽末流之失而轉咎作法之涼不已過乎卽經義表判論策苟求其實亦豈易副經文雖與四書並重積習相沿士子不專心學習若著爲令甲非工不錄表判論策皆加覆覈必淹洽詞章通曉律令而後可爲表判有論古之識斷制之才通達古今明習時務而後可爲論策何一不可見之施爲切於實用必變今之法行古之制將治宮室養遊士百里之內置官立師訟獄聽於是軍旅謀於是又將簡不率教者屏之遠方終身不齒毋乃紛擾而不可行况人心不古上以質求下以名應興孝則有割股廬墓以邀名者矣興廉

則有惡衣菲食敝車羸馬以飾節者矣相率爲僞借虛名以干進取及莅官後盡反所爲至庸人之不若此尤近日所舉孝廉方正中所指數又何益乎司文衡職課士者誠能仰體諭旨循名責實力除積習杜絕僥倖文風日盛眞才自出無事更張定制爲也遂寢其議時大學士鄂爾泰當國力持議駁科舉制義得以不廢二十二年詔別舊習求實效移經文於二場罷論表判增五言八韻律詩明年首場復增性理論御史楊方立疏請鄉會試增周禮儀禮二經命題帝以二禮義蘊已具於戴記不從四十七年移置律詩於首場試藝後性理論於二場經文後五十二年高宗以分經閱卷易滋弊竇且士子專治一經於他經不旁通博涉非敦崇實學之道命自明歲戊申鄉試始鄉會五科內分年輪試一經畢再於鄉會二場廢論題以五經出題並試永著爲令科場擬題最重康熙五十二年以主司擬題多取四書五經冠冕吉祥語致多宿構倖獲詔此後不拘忌諱向例禁考官擬出本身中式題至是弛其禁歷科試官多有以出題錯誤獲譴者先是康熙五十六年從詹事王奕清言場中七藝破承開講

虛字概不照寫以防關節乾隆四十七年令考官預擬破承開講虛字隨題紙發給士子遵用嘉慶四年以無關節資廢止制藝篇末用大結有明中葉每以此爲關節康熙末年懸之禁令乾隆十二年編修楊述曾有復用大結之請大學士張廷玉等以爲無益而弊資愈起奏駁之初場文原定每篇限五百五十字康熙二十年增百字五十四年會元尙居易以首藝字逾千二百黜革乾隆四十三年始定鄉會試每篇以七百字爲率違者不錄自是遵行不易三場策題原定不得逾三百字乾隆元年禁士子空舉名目草率塞責其後考官擬題每問或多至五六百字空疏者輒就題移易點竄成篇三十六年左都御史張若澁以爲言詔申明定例五十一年定答策不滿三百字照統繆例罰停科然考官士子重首场輕三場相沿積習難移制義體裁以詞達理醇爲尙順治九年壬辰會試第一程可則以悖戾經旨除名考官學士胡統虞等並治罪世宗屢以清眞雅正誥誠試官乾隆元年高宗詔曰國家以經義取士將以覘士子學力之淺深器識之清濁風會所趨有關氣運人心士習之端倪呈露者甚微

而徵應者甚鉅當明示以準的使士子瞭然知所別擇於是學士方苞奉敕選錄明清諸大家時文四十一卷曰欽定四書文頒爲程式行之既久攻制義者或剽竊浮詞罔知根柢楊述曾至請廢制義以救其弊四十五年會試三名鄧朝籍首藝語意粗雜江南解元顧問四書文全用排偶考官並獲譴嘉慶中士子掙捨僻書字句爲文競炫新奇御史辛從益論其失詔曰近日士子獵取詭異之詞以艱深文其淺陋大乖文體考官務各別裁僞體支離怪誕之文不得錄取歷代輒以釐正文體責考官而迄無實效議者謂文風關乎氣運清代名臣多由科目出身無不工制義者開國之初若熊伯龍劉子壯張玉書爲文雄渾博大起衰式靡康熙後益軌於正李光地韓菼爲之宗桐城方苞以古文爲時文允稱極則雍乾間作者輩出律日精而法益備陵夷至嘉道而後國運漸替士習日漓而文體亦益衰薄至末世而勦襲庸濫制義遂爲人詬病矣光緒二十四年湖廣總督張之洞有變通科舉之奏二十七年鄉會試首场改試中國政治史事論五篇二場各國政治藝學策五道三場四書義二篇五經義一

篇其他考試例此用之洞議也行之至廢科舉止鄉會考官初制順天江南正副主考浙江江西湖廣福建正主考差翰林官八員他省用給事中光祿寺少卿六部司官行人中書評事某官差往某省皆有一定康熙三年除其例順天初同各省簡正副二人乾隆中葉增爲三用協辦大學士尙書以下副都御史以上官編檢不復與矣道光中簡三四人同治後額簡四人初考官不限出身康熙初主事蔡騶曹首望俱以拔貢典試十年從御史何元英請考官專用進士出身人員然舉人出身者間亦與焉雍正三年頒考試令始限翰林及進士出身部院官仍參用保舉例乾隆九年御史李清芳言大臣保舉應差主考四十九人滿洲四各直省十六餘均江浙人保薦者大都平日往來相知饒於財而憑於勢至守正不阿者不肯伺候公卿之門邊隅之士聲氣不通交游不廣無人薦舉請將合例人員通行考試帝疑清芳未列保薦激爲是語不允所請仍考試保舉並行三十六年後考試遂著爲令初御試錄取名單皆發出其後密定名次不復揭曉嘉慶以後更別試侍郎閣學及三品京堂等官曰大考差

會試總裁初用閣部太員四人或六人多至七人嗣簡二三人或四五人咸豐後簡四人以爲常同考官初順天試京員推知並用各省用甲科屬官及隣省甲科推知或鄉科教官房數無定會試初用二十人翰林官十二六科四吏禮兵部官各一戶刑工官每科輪用一嗣額定十八人順天試同康熙五十四年令不同省房官二人同閱互相覺察用三十六人未幾卽罷康熙順天房考停用京員止用直隸科甲知縣各省停用本省現任知縣專調用隣省在籍候選進士舉人大省十八中省十四小省十二至十均分經校閱厥後增減不一小省減至八人乾隆間禮閣及順天同考始欽簡京員各省復用本省科甲屬官四十二年停五經分房之例至順天房考南北省人迴避南北三卷邊省人迴避中三卷會房則同省相迴避云考官綜司衡之責房考嚮分校之任歷代極重其選康熙間順天同考官庶吉士鄭江以校閱允當授職檢討雍正元年會試總裁朱軾張廷玉持擇公允帝嘉之加太傅太保有差其衡鑿不公草率將事者罰不貸而交通關節賄賂厥辜猶重順治十四年丁酉順天同考官李

振鄴張我模受科臣陸貽吉博士蔡元禱進士項紹芳賄中田耜鄒作霖舉人
給事中任克溥奏劾鞠實詔駢戮七人於市家產籍沒成其父母兄弟妻子於
邊考官庶子曹本榮中允宋之繩失察降官江南主考侍講方猶檢討錢開宗
賄通關節江甯書肆刊萬金傳奇記詆之言官交章論劾刑部審實世祖大怒
猶開宗及同考葉楚槐等十七人俱棄市妻子家產籍沒一時人心大震科場
弊端爲之廓清者數十年康熙五十年辛卯江南士子吳泌程光奎賂副考官
編修趙晉獲中二人素不能文輿論譁然事聞命尙書張鵬翮會江南督撫嚴
鞠蘇撫張伯行劾總督噶禮賄實徇庇噶禮亦劾伯行他罪詔俱解任令鵬翮
會總漕赫壽確訊覆奏請鑄噶禮級罷伯行職帝怒二人掩飾和解復遣尙書
穆和倫張廷樞往鞠奏略如鵬翮等指部議互訐乖大臣體應並褫職帝怒奪
噶禮職以伯行清名素著褫職仍留任處督及同考王曰俞方名大辟以失察
奪正考官左必蕃官是年福建房考吳肇中亦以賄伏法考官檢討介孝璩主
事劉儼失察削職咸豐八年戊午順天舉人平齡硃墨卷不符物議沸騰御史

孟傳金揭之王大臣載垣等訊得正考官大學士柏蔭徇家人靳祥請中同考編修浦安房羅鴻繹卷比照交通囑託賄買關節例柏蔭浦安乘市餘軍流降革至數十人副考官左副都御史程庭桂子郎中炳采坐接收關節伏法庭桂遣戍蓋載垣端華及會審尙書肅順素惡科目與柏蔭有隙因構興大獄擬柏蔭極刑論者謂靳祥已死未爲信讞也然自嘉道以來公卿子弟視巍科爲故物斯獄起北闈積習爲之一變光緒十九年編修丁維禔典陝試同年友饒士騰先期爲之嚙轉囑託事覺俱逮問士騰自殺尋並削職有無與關節賄賂而獲咎者康熙三十八年己卯御史鹿佑劾順天闈考試不公正考官修撰李蟠遣戍副主考編修姜宸英牽連下吏未置對死獄中宸英浙江名士善屬古文舉朝知其無罪莫不歎惜四十四年乙酉順天主考侍郎汪霽贊善姚士蘊校閱草率落卷多不加圈點下第者束草如人至其門戮之事聞奪職六十年辛丑會試副總裁左副都御史李紱用唐人通榜法拔取知名之士下第者喧闐於其門被劾落職發永定河効力然是闈一時名宿羅殆盡頗爲時論所許

其他賄通關節未經敗露與因微責獲譴者例尤不一鄉試解額順治初定額從寬順天江南皆百六十餘名浙江江西湖廣福建皆逾百名河南山東廣東四川山西陝西廣西雲南自九十餘名遞殺至貴州四十名爲最少俱分經取中順天試直隸生員字號約占額十之七北監生卍字號十之三宣化且字奉天夾字僅二三名江南試南監生卍字號約十之二餘爲江安併闈生員額南雍罷南監中額併入北監十四年監生分南北卷直隸八府延慶保安二州遼東宣府山東山西河南陝西四川廣西爲北卍江南浙江江西福建湖廣廣東爲南卍視人數多寡定中額十七年減各直省中額之半康熙間先後廣直省中額五十年又各增五之一雍正元年湖南北分闈照舊額分中各省略有增減乾隆元年順天卍字分南北中卷奉天直隸山東河南山西陝西爲北卍江南江西福建浙江湖廣廣東爲南卍各中額三十九四川廣西雲南貴州另編中卍十五取一江南分上下江取中下江江蘇十之六上江安徽十之四九年嚴定搜檢之法北闈以夾帶敗露者四十餘人臨時散去者二千八百數十

人曳白與不終篇文不切題者又數百人帝既治學政祭酒濫送之罪詔減各直省中額十之一於是定順天南北皿各三十六中皿改二十取一貝字百二夾且各四江南上江四十五下江六十九浙江江西皆九十四福建八十五廣東七十二河南七十一山東六十九陝西六十一山西四川皆六十雲南五十四湖北四十八湖南廣西皆四十五貴州三十六自是率行罔越光緒元年陝甘分闈取中陝西四十一甘肅三十咸同間各省輸餉輒數百萬先後廣中額四川二十江蘇十八廣東十四福建及臺灣十三浙江湖南湖北江西山西安徽甘肅雲南貴州各十陝西九河南廣西各八直隸山東各二視初定中額尙或過之會試無定額順治三年九年俱四百名分南北中卷浙江江西福建湖廣廣東五省江甯蘇松常鎮淮揚徽甯池太十一府廣德一州爲南卷中二百三十三名山東山西河南陝西四川順天永平保定河間眞定順德廣平大名八府延慶保安二州奉天遼東大寧萬全諸處爲北卷中百五十三名四川廣西雲南貴州四省安廬鳳滁徐和等府州爲中卷中十四名十二年中卷併入

南北卷厥後中卷屢分屢併或更於南北中卷分爲左右或專取川廣雲貴四省各編字號分別中一二三名五十一年以各省取中人數多少不均邊省或致遺漏因廢南北官民等字號分省取中按應試人數多寡欽定中額歷科大率三百數十名少或百數十名而以雍正庚戌四百六名爲最多乾隆己酉九十六名爲最少五經中式仿自明代以初場試書藝三篇經義四篇其合作五經卷見長者因有二十三篇之目順治乙酉山東鄉試法若真以全作五經文賜內閣中書一體會試康熙丁卯順天鄉試浙江監生查士韓福建貢生林文英壬午順天南皿監生莊令輿俞長策皆以兼作四書五經文二十三篇違式奏聞俱授舉人詔嗣後不必禁止旋著爲令鄉會試五經卷於額外取中三名二場添詔誥各一於是習者益衆直隸陝西等省至有以五經卷掄元者五十年增各省鄉試一名順天二名會試三名五十六年停五經應試雍正初復其制順天皿字號中四名各省每額董惠九名加中一名大省人多文佳額外量取副榜三四名四年丙午詔是科以五經中副榜者准作舉人一體會試尤爲

特異乾隆十六年始停五經中式之例至歷代臨雍增北闈監生中額恩詔廣鄉會試中額均屬於常額外也鄉會試正榜外取中副榜會試副榜免廷試咨吏部授職康熙三年罷之鄉試副榜原定順天二十名江南十二江西十一浙江福建湖廣各十山東河南各九山西陝西四川廣東各八廣西六取文理優者不拘經房康熙元年停取十一年取中如舊例增雲南五貴州四嗣是各直省率正榜五名中一名惟恩科廣額不與焉雍正丙午准是科由副榜復中副榜者作舉人非常例也雍正五年命各省督撫學政甄別衰老教職休致之缺以是年會試落卷文理明順之舉人補授乾隆間履行選取如例大中小省各數十名明通別爲一榜二十六年廷議於明通榜外選取中書四十名其餘年力老成宜課士者另選用學正學錄數名報可五十五年悉罷此後下第者於正榜外挑取謄錄北闈數百名或百數十名會試額定四十名備各館繕寫積資得邀議叙此則旁搜博採俾寒畯多獲進身之階也八旗以騎射爲本右武左文世祖御極詔開科舉八旗人士不與順治八年吏部疏言八旗子弟多英

才可備循良之選宜遵成例開科於鄉會試拔其優者除官報可八旗鄉會試自是年始其時八旗子弟每牛景下讀滿漢書者有定額應試及各衙門任用悉於此取給額外者不得習往往不敷取中故自十四年康熙十五年八旗考試時舉時停先是鄉會試殿試均滿洲蒙古爲一榜漢軍漢人爲一榜康熙二十六年詔同漢人一體應試尋定制鄉會場先試馬步箭騎射合格乃應制舉自是文專不妨武備遂爲永制初八旗鄉試僅試清文或蒙古文一篇會試倍之漢軍試書藝二篇經藝一篇不通經者增書藝一篇二三闈試論策各一逐科遞加自與漢人合試非復前之簡易矣鄉試中額順治八年定滿洲漢軍各五十蒙古二十嗣減滿洲漢軍各五之一蒙古四之一康熙八年編滿蒙爲滿字號漢軍爲合字號各取十名二十六年再減漢軍五名後復遞增乾隆九年詔各減十之一定爲滿蒙二十七漢軍十二同治間以輸餉增滿蒙六名漢軍四名各省駐防初亦應順天試嘉慶十八年始於駐防省分試之十人中一多不逾三名副榜如例會試初制滿洲漢軍進士各二十五蒙古十康熙九年編

滿合字號如鄉試例各中四名嗣亦臨時請旨無定額宗室不應鄉會試聖祖世宗降有明諭乾隆八年宗人府試宗學拔其尤者玉鼎柱等爲進士一體殿試是爲宗室會試之始未久卽停嘉慶六年宗室應鄉會試始著爲令先期宗人府或奉天宗學考試騎射如例試期於文闈鄉會試場前或場後或同日試制藝律詩各一日而畢鄉試九人中一人會試考官酌取數卷候親裁別爲一榜殿試朝考滿漢一體除庶吉士等官有差順治十五年帝以順天江南考官俱以賄敗親覆試兩闈舉人是爲鄉試覆試之始取順天米漢雯等百八十二名准會試江南汪溥勳等九十八名准作舉人罰停會試除名者二十二名惟吳珂鳴以三次試卷文理獨優特許一體殿試異數也康熙三十八年帝以北闈取士不公命集內廷覆試列三等以上者許會試四等黜之五十一年壬辰順天解元查爲仁以傳遞事覺而逸帝疑新進士有代倩中式者親覆試暢春園黜五人會試覆試自是始乾隆間或命各省督撫學政於鄉試榜後覆試或專覆試江蘇安徽江西浙江廣東山西六省丙午前三科俊秀貢監中式者

或止覆試中式進士或北闈舉人臨期降旨無定例五十四年貢士單可虹覆試詩失調訛舛不符中卷除名詔旨嚴切謂禮闈非嚴行覆試不足拔真才懲倖進至嘉慶初遂著爲令道光二十三年定制各省舉人一體至京覆試非經覆試不許會試以事延誤於下三科補行除丁憂展限外託故不到以規避論永停會試與赴部銓選覆試期以會試年二月咸同間因軍興道路梗阻光緒季年以辛丑條約京師停試假闈河南俱得先會試後覆試非恒制也覆試詩文庇謬詩失粘擡寫錯誤不避御名廟諱至聖諱罰停會試殿試一科或一科以上文理不通或文理筆跡不符中卷者黜乾隆五十八年中式舉人鄧葵春等八名補覆試停科者五斥革者二監臨俱獲譴歷科因是黜罰者有之洎末造益趨寬大光緒十九年北闈倩作頂替中式者至數十人言官劾舉人周學熙湯寶霖蔡學淵陳步鑾黃樹聲萬航六人丁所司舉出錄科中卷不符者學淵樹聲航三人俱斥革餘覆試無一黜者監臨各官均免議而僥倖者接跡矣

定例各省鄉試揭曉後依程限解卷至部磨勘遲延者罪之蓋防考官闈後修
改試卷避吏議也磨勘首嚴弊倖次檢瑕疵字句偶疵者貸之字句可疑文體
不正舉人除名若干卷以上考官及同考官職或速問不及若干卷奪俸或降
調其校閱草率雷同濫惡雜然並登及試卷不諳禁例字句疵蒙謬類題字錯
落眞草不全謄錄錯誤內外簾官舉子議罰有差禁令之密前代未有也磨勘
官初禮部及禮科主之康熙間始欽派大臣專司其事解額漸廣試卷日多於
是令九鄉公同磨勘六部官牽於職事以其餘暇勘校往往虛應故事乾隆初
改任都察院科道五品以上科甲京堂中贊以上翰詹官集朝房磨勘嗣復增
編檢額定四十人以專責成先是磨勘試卷不署名亦無功過之條與斯役者
每託名寬厚不欲窮究乾隆二十一年始令磨勘官填註銜名二十五年復增
大臣覆勘例分別議敘議處功令始嚴是年特派秦懋田觀保錢汝誠爲覆勘
六臣事竟原勘官御史朱丕烈劾其賒徇下軍機大臣覆覆懋田等實有誤駁
及疏漏之處丕烈亦以彈劾不實俱下部議其時磨勘諸臣慎重將事不稍假
借一變因循敷衍之習太侯寺鄉宮煥文御史閻循琦朱稽朱丕烈嘉慶初御

史辛從益俱以抉摘精審聞於時歷科考官舉子因是譴黜者不乏人而藉端報復蓋亦有之乾隆六十年乙卯會元爲浙江王以銛第二名卽其弟以銜帝心異之正總裁侍郎寶光鼎素與和坤不協且以詆訶後進忤同列列欲藉以傾之因摘兩人闕墨中並有王道本乎人情語以爲關節抑實以銛榜末停其殿試降光鼎四品休致錫副總裁侍郎劉繼雲祭酒瑚圖禮四級及廷試傳唱以銜第一上意釋然諭廷臣曰此亦豈朕之關節耶以銛後亦入詞館嘉慶五年廢勘官辛從益戴璐於北闈策題試卷指摘不遺餘力從益江西籍向以嚴於廢勘稱是科江西僅中一人璐子下第人謂因是多所吹求上聞命二人退出廢勘班同治間鴻臚寺少卿梁僧寶復以廢勘過嚴爲人所憚蓋自廢勘例行足以糾正文體抉剔弊竇裨益科目非淺鮮也庶吉士之選無定額順治三年世祖始策貢士於廷賜一甲三人傳以漸等及第簡梁清寬等四十六人爲庶吉士四年六年復選用九年以給事中高辛允言按直省大小選庶吉士直隸江南浙江各五人江西福建湖廣山東河南各四人山西陝西各二人廣東

一人漢軍四人另榜授滿洲蒙古修撰編修庶吉士九人自是考選如例惟滿蒙漢軍選否無常康熙間新進士得奏請讀書中秘輒以家世多任館閣或邊隅素少詞臣爲言間邀俞允故自四十五年至六十七年科中各省皆有館選世宗令大臣舉所知參用廷對後親試文藝雍正元二年間漢軍蒙古山西河南陝西湖南及諸邊省每不入選三年太常寺少卿李鍾峨疏請分省簡選廣儲材之路廷議駁之五年詔內閣會議簡選庶常之法尋議照雍正癸卯科例殿試後集諸進士保和殿考試仍令九卿確行保舉考試用論詔奏議詩四題是爲朝考之始乾隆元年御史程盛修言翰林地居清要欲得通材務端始進自保舉例行而呈身識面廣開請託之門額手彈冠最便空疏之輩宜亟停止報可高宗諭禁向來新進士請託奔競呈送四六頌聯之陋習既慎校文藝復令大臣察其儀止年歲分爲三等欽加簡選三年罷大臣棟選例依省分甲第引見臨時甄別錄用後世踵行其制嘉慶以來每科庶常率倍舊額各省無不入選者矣凡用庶吉士曰館選初制分習清漢書隸內院以學士或侍讀教習

之自康熙九年專設翰林院歷科皆以掌院學士領其事內閣學士間亦參用
三十三年命選講讀以下官資深學優者數人分司訓課曰小教習六十年以
禮部尚書陳元龍領教習事厥後尚書侍郎閣學之不兼掌院事者並得爲教
習大臣滿漢各一雍正十一年特設教習館頒內府經史詩文戶部月給廩餼
工部供張什物俾庶吉士肄業其中尤爲優異三年考試散館優者留翰林爲
編修檢討次者改給事中御史主事中書推官知縣教職其例先後不一間有
未散館而授職編檢者或供奉內廷或宣諭外省或校書議叙或召試詞科皆
得免其考試凡留館者遷調異他官有清一代宰輔多由此選其餘列卿尹膺
疆寄者不可勝數士子咸以預選爲榮而鼎甲尤所企望康熙間庶吉士張逸
少散館改知縣遷秦州知州其父大學士玉書奏乞內用復得授編修三十年
辛未上以鼎甲久無北人親擢黃叔琳一甲三名叙琳大興人雍正間大學士
張廷玉子若霽廷對列一甲第三廷玉執不可上爲抑寅二甲第一誠重之也
先是順治九年選庶常四十人擇年青貌秀者二十人習清書嗣每科派習十

數人不等散館試之乾隆十三年修撰錢維城考列清書三等命再試漢書始留館其專精國書者漢文或日就荒落十六年高宗以清書應用殊少而邊省館選無多命雲南貴州四川廣東廣西等省庶吉士不必派習清書他省視人數酌派年力少壯者一二員或二三員但循舉舊章備國朝典制已足其因告假丁憂年齒已長者例准改習漢書於是習者日少道光間例停穆宗初元令以治經治史治事及濂洛關閩諸儒之書課諸庶常光緒季年設進士館課鼎甲庶吉士及開部官以法政諸科學或賞遣游學異國業成而試優者授職獎擢俱未久卽罷達官世族子弟初制一體應試而中式獨多其以交通關節敗者順治十四年少詹事方拱乾子章鉞應江南試以與正主考方猶聯族獲中事覺遣成康熙二十三年都御史徐元文子樹聲侍講學士徐乾學子樹屏同中順天試上以是科南皿悉中江浙籍命駁勘斥革五人樹聲樹屏俱黜三十九年帝以搢紳之家多佔中額有仿寒賤進身之路殿試時諭讀卷諸臣是科大臣子弟置三甲以裁抑之尋詔定官民分卷之法鄉試滿合字號二十卷中

一直省視舉額十分中一副榜如之會試除雲南貴州四川廣西四省外編官卷二十人中一未幾罷會試官卷乾隆十五年廷臣有以官生過優爲言者部議仍舊詔責其迴護並及吏禮二部司官編官卷之不當令再議始議中額二十五中官卷一吏禮部司員及內閣侍讀子弟停編官卷明年再議以京官文四品外官文三品武二品以上及翰詹科道等官爲限並減中額順天十四浙江六餘省五至一名二十三年大學士蔣溥學士莊存與復以爲言令官生大省二十卷中一省十五卷小省十卷中一滿蒙漢軍如小省例南北皿如中省例中皿額中一名不足一名人民卷永以爲例鄉會試考官房考監臨知貢舉監試提調之子孫及宗族例應迴避雍乾間或另試或題由欽命另簡大臣校閱乾隆九年停其例並受卷彌封磨錄對讀等官子弟戚族亦一體迴避矣有清重科目不容倖獲惟恩遇大臣嘉惠儒臣耆年邊方士子不惜逾格歷代優禮予告或在職大臣與夫獎叙飾終之典賜其子孫舉人進士有成例者無論已至如雍正七年廷臣遵旨舉出入闈未中式之大學士蔣廷錫子溥尙書

嵇曾筠子璜等十二人俱賜舉人侍郎劉聲芳子俊邦以疾未與試賜舉人尤爲特典康熙間浙江舉人查慎行江蘇舉人錢名士監生何焯安徽監生汪灝以能文受上知召試南書房賜焯灝舉人四十二年賜焯灝蔣廷錫進士六十年以內廷行走舉人王蘭生留保學問素優禮闈不第俱賜進士雍正八年賜江南舉人顧天成廣東舉人盧伯蕃殿試乾隆十八年賜內廷行走監生徐揚楊瑞蓮舉人四十三年助教吳省蘭助教銜張義年以校四庫書賜殿試俱非常例乾隆以來凡年七十以上會試落第者予司業編檢學正等銜鄉試年老諸生賜舉人副榜雍正十一年詔於雲貴廣東西四川福建會試落卷擇文理可觀人材可用者拔取時餘等十人一體殿試趙繩其等四十人揀選錄用乾隆初揀選如例則邊省士子猶沐殊恩也歷科情形略異者順治三年從大學士剛林請以天下初定廣收人才再舉鄉會試十六年以雲貴新附緩輯需人再舉禮部試均不循子丑之舊康熙十六年鄉試順天專遣官山東山西陝西併河南省湖廣江西併江南省福建併浙江省考試試期九月十五人中一不

取副榜亦無會試江南榜江西無中式者咸同間軍興各直省或數科不試或數科併試倍額取中或一省止試數府州縣減額取中試期或遲至十月十一月不拘成例順天正主考初制均差翰林官康熙初沿明制以前一科一甲一名爲之士子希詭遇者得預通聲氣二十年修撰歸允肅主順天闈撰文自誓力除積弊不通關節榜後下第者譁然冀興大獄刑部尙書魏象樞暴其事浮議始息制亦尋廢二年順天春秋題郝子訛郝人罷考官白乃貞等職士子因書子字貼出者弘文院官覆試優者准作舉人無中式者雍正元年順天榜後命大學士王碩齡等同南書房翰林檢閱落卷中二人是年會試覆檢如前中落卷七十八人二年中七十七人乾隆元年中三十八人後不復行雍正四年以浙人查嗣庭汪景祺著書悖逆既按治因停浙江鄉會試未幾以李衛等請弛其禁七年廣東連州知州朱振基私祀呂留良生員陳錫首告上嘉之令是科連州應試完場舉子由學政遴取優通者四人賞舉人乾隆四十六年辛丑會試江南解元錢棨領是科會狀嘉慶二十五年庚辰會試廣西解元陳繼昌

亦領是科會狀士子黠稱三元有清一代二人而已八旗與漢人一體考試康乾以來無用鼎甲者同治四年蒙古崇綺以一甲一名及第光緒九年宗室壽耆以一甲二名及第漢軍鼎甲尤多至歷代捐輸軍餽賑欵園庭工程賞舉人等獲叛匪及殺賊立功有貢監給舉人舉人給進士之例則又一時權宜之制也初太宗於蒙古文字外製爲清書天聰八年命禮部試士取中剛林等二人習蒙古書者俄博特等三人俱賜舉人嗣再試之順治八年舉行八旗鄉試不能漢文者試清文一篇再舉而罷康熙初復行繙譯鄉試自滿漢合試制舉文罷繙譯科雍正元年詔八旗滿洲於考試漢字生員舉人進士外另試繙譯廷議三場並試滿漢正副考官各二滿同考官四詔鄉試止試一場或章奏一道或四書五經量出一題省漢考官增謄錄餘如文場例嗣後繙譯諭旨或於性理精義及小學限三百字命題乾隆三年令於繙譯題外作清文一篇七年定會試首場試清字四書文孝經性理論各一篇二場試繙譯凡滿洲漢軍滿漢字貢監生員筆帖式皆與鄉試文學人及武職能繙譯者准與會試先試騎射

如例蒙古繙譯科雍正九年詔試蒙古主考官一同考倍之初令鄉會試題俱以蒙字譯清字四書章奏各一道乾隆元年改譯清文性理小學與滿洲繙譯同場試別爲一榜時應清文鄉試者率五六百人額中三十三名應蒙文鄉試者率五六十人額中六名原定繙譯鄉會試三年一次然會試訖未舉行乾隆四年以鄉試已歷六科八月始行會試中滿洲二十名蒙古二名因人數無多詔免殿試俱賜進士出身優者用六部主事二十二年以繙譯科大率尋章摘句無關繙譯本義詔停四十三年復行鄉試罷曆錄對讀明年會試向例須滿六十人是科僅四十七人特准會試免廷試如四年例自是每屆三年試否請旨定奪五十二年更定鄉會試五年一次然會闈自五十三年訖嘉慶八年僅一行之猶不足定例六十名之數且槍冒頂替弊端不可究詰蒙文嘗以不足七八人停試雖詔旨諄諄勉以國語騎射爲旗人根本而應試者終屬寥寥八年從侍郎廣音請復舊制三年一舉以爲常二十四年定鄉會覆試如文闈例道光八年罷繙譯同考官末年始有用庶吉士者各省八旗駐防初但應漢文

鄉會試道光二十三年改試繙譯十人中一三名爲額宗室應繙譯試自乾隆時始別爲一題中額欽定

武科目世祖初元下詔舉行子午卯酉年鄉試辰戌丑未年會試如文科制鄉試以十月直隸奉天於順天府各省於布政司中式者曰武舉人次年九月會試於京師中式者曰武進士凡鄉會試俱分試內外三場首場馬射二場步射拔勇爲外場三場策二問論一篇爲內場外場考官順天及會闈以內大臣大學士都統四人爲之內場考官順天以翰林官二人會闈以閣部都察院翰詹堂官二人爲之同考官順天以科甲出身京員四人會闈以科甲出身閣科部員四人爲之會試知武舉兵部侍郎爲之各直省以總督巡撫爲監臨主考官科甲出身同知知縣四人爲同考官外場佐以提鎮大員其餘提調監射監試受卷彌封監門巡緝搜檢供給俱有定員大率視文闈減殺殿試簡朝臣四人爲讀卷官欽閱騎射技勇乃試策文臨軒傳唱狀元榜眼探花之名一如文科初制一甲進士或授副將參將遊擊都司二三甲進士授守備署守備其後一

甲一名授一等待衛二三名授二等侍衛三甲進士授三等及藍翎侍衛管
衛守備有差凡各省武生綠營兵丁皆得應鄉試武舉及現任營千把總門衛
所千總年滿千總通曉文義者皆得應會試惟年逾六十者不許應試其後武
職會試以武舉出身者爲限康熙間欲收文武兼備之材嘗許文生員應武鄉
試文舉人應武會試頗滋場屋之弊乾隆七年以御史陳大玠言停文武互試
例考試初制首場馬箭射毬毬二場步箭射布侯均發九矢馬射中二步射中
三爲合式再開弓舞刀掇石試技勇順治十七年停試技勇康熙十三年復之
更定馬射樹的距三十五步中三矢爲合式不合式不得試二場步射距八十
步中二矢爲合式再試以八力十力十二力之弓八十斤百斤百二十斤之刀
二百斤二百五十斤三百斤之石弓開滿刀舞花掇石去地尺三項能一二者
爲合式不合式不得試三場合式者印記於額嗣改印小臂以杜頂冒三十二
年步射改樹的距五十步中二矢爲合式乾隆間復改三十步射六矢中二爲
合式馬射增地毯而弓刀石三項技勇必有一項係頭號二號者方准合式遂

爲永制內場論題向用武經七書聖祖以其文義駁雜詔增論語孟子於是改論題二首題用論語孟子次題用孫子吳子司馬法鄉試中額康熙二十六年制定略視各省文闈之半雍正間小有增減惟陝甘以人材壯健弓馬嫻熟自康熙訖乾隆先後各增中額三十名咸同間各省輪餉廣額如文闈例綜計順天中額百十漢軍四十奉錦三江南八十一福建六十三浙江四川各六十陝西五十九河南五十五江西廣東甘肅各五十四山西五十五山東四十八雲南四十二廣西三十六湖北三十五湖南三十四貴州二十五會試中額多或三百名少亦百名康熙間內場分南北卷各中五十名五十二年始分省取中臨期以外場合式人數請旨裁定嘉慶六年仁宗以科目文武並重文闈條例甚嚴防弊周密武闈考官面定去取尤易滋弊命比照文闈磨勘例鄉試題名錄將中式武生馬步射技勇一一詳註進呈各省交兵部順天另簡磨勘官覈對濫中及浮報者懲不貸覆試始乾隆時初制從嚴儼會闈行之不符者罰停科考官議處三次覆試不合式除名道光十五年始覆試順天武舉如會試例咸

豐七年覆試各省武舉如順天例然稍從寬典矣初制外場但有合式一格其中弓馬優劣技勇強弱無所軒輊內場但憑文取中致嫻騎射習場藝者或遭遺棄康熙五十二年令會試外場擇馬步射技勇人材可觀者編好字號密送內簾內場試官先於好字卷內擇文理通曉者取中不足始於合式卷內選取雍正二年從侍郎史貽直言各省鄉試外場一體別編好字號嗣於好字號再分雙好單好內場先中雙好次中單好而合式卷往往千餘人僅中數人因之內場槍冒頂替諸弊並作乾隆二十四年御史戈澐奏革其弊於是外場嚴合式之格內場罷四書論文理但取粗通者而文字漸輕嘉慶十二年鄉會試內場策論改默寫武經百餘字無錯誤者爲合式罷同考官遂專重騎射技勇內場爲虛設矣歷代踵行莫之或易光緒二十四年內外臣工請變更武科舊制廢弓矢刀石試鎗礮未許二十七年卒以武科所習硬弓刀石馬步射無與兵事廢之滿洲應武科始雍正元年鄉試中二十名會試中四名十二年詔停數十年無復行者嘉慶十八年復舊制滿蒙鄉試中十三名各省駐防就該省應

試率十人中一多者十名少或一名會試無定額凡驍騎校城門吏藍翎長拜唐阿恩騎尉親軍前鋒護軍領催馬甲巡捕營千總把總及文員中書七八品筆帖式廕生俱准與武生同應鄉試鄉會內外場與漢軍漢人一例考試